

日本國志

日本國志第十

卷之三十七

出使日本參贊官黃遵憲編纂

禮俗志四

神道

自天祖大日靈尊治高天原爲天照大神

考神代史所載開天示創世闢地造人諸事

一出於神其言類幻安離奇不可勝錄惟據史稱天照大神爲降居神國之祖今姑以託始焉

大神之子正哉

吾勝勝速日天忍穗耳尊娶高皇產靈尊之女栲幡千千姬生

天津彥彥火瓊瓊杵尊天祖旣命武甕槌經津主二神平定下

土乃使皇孫降居葦原中國而爲之主賜以八坂瓊曲玉及八

咫鏡草薙劍曰豐葦原瑞穗國是神國王地今以予爾爾宜就

而治焉於是瓊瓊杵尊離天磐座降於日向高千穗峰遂到吾

田娶大山祇女木華開耶姬生彥火火出見尊尊娶海神豐玉

彥女豐玉姬生彥波瀲武鸕鷀草葺不合尊尊娶玉依姬乃生

神武天皇神武既平東國先是甲寅歲西國既平東國未服長

十梟帥兄磯城弟磯城等割據所在不相統一帝慨然有削平

之志謂諸兄及皇子曰昔我天神高皇產靈尊大日靈尊舉此

豐葦原瑞穗國而授我天祖彥火瓊瓊杵尊於時洪荒草昧遼

邐之地猶未霑王澤遂使邑有君村有長各自分疆用相凌轢

抑聞之鹽土老翁曰大東有美地中有乘天磐船飛降者余謂

彼地足以恢宏大業光宅天下厥飛降者謂饒速日歟何不就

而都之乎諸皇子對曰誠然請速發冬十月帝親帥三兄五瀨

命稻飯命三毛入野命及手研耳命航海東征乙卯歲春三月

入吉備國駐蹕三年戊戌歲夏四月勒兵步赴龍田路險隘不

得并行乃還欲東踰胆駒山而入中州長髓彥聞之曰是必奪

吾國乃發兵徵之孔舍衛坂皇師不利五瀨命矢眾不能進
帝憂之沈思曰我是日神子孫而向日征虜是逆天也不若退
還示弱禮祭神祇背日而進則虜自敗矣眾然之乃引還六月
至熊野神邑海上俄遇暴風御船飄蕩稻飯命嘆曰吾是神孫
神何爲困我抽劍投海三毛入野命亦沒帝獨與手研耳命進
至荒坂津時有神吐氣作毒皇師昏眩不能起熊野人高倉下
夜夢天照大神謂武甕槌神曰葦原中國未得平靜汝往征之
武甕槌神對曰降臣平國之劍則臣雖不往國自平矣大神許
之武甕槌神願高倉下曰吾有劍名靜靈今置之爾庫中爾獻
之天孫明日高倉下入庫索之果有劍倒立乃獻之帝帝忽然

寤曰予何長眠如此眾亦悉寤乃進赴中州山路峻峻不可行
帝夢天照大神誨曰朕遣頭八咫鳥導頭八咫鳥適至帝大
悅從八咫鳥前驅遂達菟田下縣兄猾弟猾據菟田帝遣使徵
之弟猾即至兄猾窮蹙自蹈機壓死九月八十梟帥據國見邱
置女軍於女坂男軍於男坂兄機城亦據盤余邑距塞道路夜
禱之神夢神誨曰取天香山土以造天平瓮八十枚并造嚴瓮
敬祭天神地祇則虜自平矣時弟猾亦奏言倭磯城邑有磯城
八十梟帥高尾張邑有赤銅八十梟帥皆欲距戰臣竊爲天皇
憂之請取土天香山造天平瓮以祭羣神然後擊之帝益異之
令椎根津彥徹衣裳笠裝爲老人弟猾披箕爲老嫗狀敕曰爾
至天香山取土來基業成否以此卜之椎根津彥乃祈曰我皇
能定天下道路自通不則賊必禦我矣乃去虜見二人大笑爲
之開路二人得取土而還帝大悅即造八十平瓮無水造飴飴成則
親祭神祇於丹生川上祝曰吾用八十平瓮無水造飴飴成則
吾坐平天下不假鋒刃飴果成又祈曰吾沈嚴食於川川魚醉
而浮出則吾業成矣魚果浮出帝大悅乃取川上眞坂樹以祭
諸神又親祭高皇產靈尊敕道臣命爲齋主冬十月帝當嚴食
之糧勒兵而出擊八十梟帥於國見邱破斬之十一月帝將大
舉攻磯城遣頭八咫鳥召兄機城及兄倉下弟倉下皆不降乃踰墨坂
帝令弟磯城曉諭兄磯城及兄倉下弟倉下皆不降乃踰墨坂
表裏合擊大破之斬兄磯城等十二月進討長髓彥連戰不克
適天雨冰有鴉集帝之珥金色煜煜如電虜皆迷眩不能戰長
髓彥遣使曰吾奉天神之子爲君曰饒速日命何乃更稱天孫
欲奪人地帝曰天神之子亦多爾主果天孫耶必有表物宜以

相示長髓彥取饒速日天羽羽矢一隻及步鞞示帝帝曰事不
虛也亦取所御天羽羽矢及步鞞示之長髓彥見之意沮然不
肯降饒速日命惡其狼復欲殺之帥師歸順
帝褒賞之賜其子可美真手命以節靈劍即位橿原宮之元

年建神籬祭八神以鎮護國家天富命率諸齋部捧天璽鏡劍

奉安神殿天種子命奏天神壽詞
神籬即神廟八神後世所祭神祇官八神即高皇產靈神

神產靈神魂留產靈神生產靈神足產靈神大饒速日命率內宮賣神事代至神御產神是也壽詞即祝詞也

物部執矛楯嚴儀衛道臣命大久米命執兵器護宮門又使天

種子命天富命掌祭祀及朝政可美真手命獻十種天瑞寶及

節靈劍四年詔曰我皇祖之靈自天降臨光照朕身今諸虜平

定其郊祀天神以申孝道乃築靈時於鳥見山以祀皇祖天神

崇神天皇六年百姓流離有背叛者帝憂之請罪神祇前是祭

天照大神及倭大國魂神於殿內神物官物同此寢處帝懼其

瀆使皇女豐鍬入姬遷奉神鏡劍於倭笠縫邑磯城神籬別摸

鑄鏡劍爲護身之寶明年詔曰孤不天獲咎於神祇屢降鞠凶其命龜卜於是帝幸神淺茅原祭八十萬神親卜之神憑倭迹迹曰百襲姬曰帝誠憂國宜祭我帝問曰何神曰我是倭國域內之神名大物主帝乃祀之然卒不獲福帝齋戒沐浴以祈曰朕禮神有所未盡耶何爲不享是夜夢神誨曰使我子大田田根子祭我內國自靜平外國亦來歸倭迹迹曰百襲姬大水口宿禰伊勢麻績君皆夢神誨曰使大田田根子祭大物主神使市磯長尾市祭大國魂神倭大國魂神一云倭大神憑依大水口宿禰曰太初之時與天照大神期曰大神宜治高天原皇孫尊宜治葦原中國八十魂神我親治地神云云乃太平矣帝聞之大喜詔求大田田根子獲之茅渟縣陶邑乃使伊香色雄以幣物聘之使根子祭大物主神使長尾市祭倭大國魂神後又祭八十萬神定置天神廟地祇廟及神地神戶於是疾疫始息歲豐民和

八年以高橋邑人活目爲大神掌酒又使大田田根子祭大神
明年帝感夢以赤盾赤矛祀黑坂神以黑盾黑矛祀大坂神垂
仁天皇二十五年詔曰我先皇翼翼小心禮祭神祇是以安乎
康樂朕以否德謬纘神緒豈得有怠三月使女皇倭姬代豐鍬
入姬掌天照大神祭祀於是倭姬求祭地初詣菟田篠幡過近
江經美濃至伊勢終以神夢定廟於伊勢之五十鈴川上名曰
五十鈴廟以中臣祖大鹿島命爲祭主明年又遷神廟於渡會
以後遂以伊勢爲大神宮每世例遣
皇女侍神宮朝廷每歲遣使奉幣二十七年將以兵器爲祭
幣納之神廟卜之吉乃納弓矢刀劍於諸廟以兵器祭神始於
此更定神地神戶以地奉之神廟令其地所出物產其人民所
供租調悉以充神廟之費歷世所封神社例
有神三十九年皇子五十瓊敷命鑄劍一千口藏之石上神廟
帝使五十瓊敷命掌神寶八十七年五十瓊敷謂女弟大中姬

曰我老矣女代我掌神寶大中姬辭曰吾女弱安能登神庫五

十瓊敷命曰寶庫雖高我能造梯大中姬不肯遂使物部十千

根掌之於是物部連等世世得掌神寶考延喜式伊勢大神宮有神寶二十一種曰金

銅多利二基高各一尺一寸六分土居徑三寸五分金銅麻

筭二合口徑各三寸六分尻徑二寸八分深二寸二分金銅賀

世比二枝長各九寸六分手長五寸八分金銅鑄二枝莖長各

九寸三分輪徑一寸一分銀銅多利一基高一尺一寸六分

土居徑三寸六分銀銅麻筭一合口徑三寸六分尻徑二寸八

分深二寸二分銀銅賀世比一枝長九寸六分手長五寸八分

銀銅鑄二枝莖長九寸三分輪徑一寸一分銀銅賀世比一枝

各七尺以上八尺以下塗赤漆附纏標組征箭一千四百九十

隻長各二尺三寸鎡長二寸五分以鳥羽作之鏃塗金漆著塗

朱砂又箭七百六十隻長二尺四寸鎡銚箭以鷺羽作之以襍

丹漆畫之玉纏橫刀一柄柄長七寸鞘長三尺六寸柄頭橫著

銅塗金長三寸八分片端廣一寸五分片端廣一寸頭頂著朴

鏤一勾徑一寸五分玉纏十三番四面有五色玉著五色組長

一丈阿志須惠組四尺柄著勾金長二尺著鈴八口琥碧二枚

金餅形二隻長各六寸廣二寸五分著緒紫組長六尺袋一口

表大暈網錦裏緋綾帛各長七尺須我流橫刀一柄柄長六寸

鞘長三尺其鞘以金銀泥畫之柄以鶴羽纏之柄勾皮長一尺

四寸裏小暈網錦廣一寸押鏡形金六枚柄枚押小暈網錦長

三寸一分廣二寸五分四角立乳形著五色組長一丈阿志須
惠紐四尺金鮎形一隻長六寸廣二寸五分著紫組長六尺袋
一日表大暈綱錦裏緋綾帛各長七尺襪作橫刀二十柄櫻柄
長六寸五分鞘長二尺七寸漆塗節裏緋帛並倭文柄以鳥羽
纏之節別纏小暈綱錦阿志須惠長各三尺三寸廣各一寸二
分著緋紺帛緒長九尺廣二寸五分姬鞞二十四枚長各二尺
四寸上廣六寸下廣四寸矢刺口方二寸九分以檜作之以錦
黏表以緋帛著裏著緒四處并用紫革長各二寸廣一寸三分
箭四百八十隻以鳥羽作之蒲鞞二十枚長各二尺上廣四寸
五分下廣四寸以檜作之編蒲著表以鹿皮著頂以丹畫裏著
緒四處并用紫革長各二尺廣一寸箭一千隻以鳥羽作之革
鞞三十四枚長各一尺八寸上廣四寸五分下廣三寸八分以
調布黏之塗黑漆著緒四處并用紫革長各二尺廣一寸箭七
百八十六隻以鷲羽作之鞞二十四枚以鹿皮縫之胡粉塗以
墨畫之納檜麻筥二合徑一尺六寸五分深一尺四寸五分著
緒六處用紫革長各一尺七寸廣二分楯二十四枚長各四尺
四寸五分上廣一尺三寸五分下廣一尺四寸厚一寸梓二十
四竿長各一丈二寸鋒金八寸五分廣一寸五分厚一寸四分
本金長二寸八分徑一寸四分本末塗金漆鴉尾琴一面長八
尺八寸頭廣一尺末廣一尺七寸頭鴉尾廣一尺八寸蓋卽歷
代之所崇奉每歲仲哀天皇九年有神告神功皇后曰海西有
遣人修飾檢藏之寶玉國曰新羅帝往征之則熊襲不討自服帝不從出師失利

暴崩皇后傷帝慢神乃命羣臣造齋宮於小山田邑皇后親爲祭主使武內宿禰奏琴以中臣武賊津使臣爲審神者請天神曰向教示天皇者何神願聞其名禱祈七日七夜神憑人告名且垂誨后遂發師西征航海祝曰吾奉天神言越海遠征苟捷有功則波臣當手梳吾髮分爲二浴於海如其言遂結兩髻如男子至新羅驚爲神人新羅主面縛降及凱旋到筑紫從神誨立祠於穴門山田邑祭表筒男神中筒男神底筒男神自神武創業宗神肇基神功遠伐皆託之以神而神道益尊及允恭天皇四年帝憂羣臣氏族錯亂詔設鼎於廟誓神探沸湯僞者皆手爛遂以神道聽訟顯宗天皇三年月神日神迭憑人謂阿閉事代宜以地獻高皇產靈事代備奏之帝遂奉以田使壹岐縣主對馬縣主侍廟又以神道行政

舊事紀天月神命者壹岐縣主遠祖也天日神命者對馬

縣主遠祖也是皆天孫降臨之時隨從者卽三十二神之一也欽明天皇十六年百濟王奏國

亂帝使蘇我稻目喻之曰昔雄略帝時爾國受攻於高麗帝使

神祇伯筮之神命之祭建邦神師藉神威果獲大捷夫建邦神

者天地剖判時草創國土者也爾舉族祀之國必復興則又以

神道警勸外國是時疾疫大作風雨爲災卜者曰賀茂神所爲

祟也乃選日祭之五穀蕃殖民得無恙於是有賀茂神之祭後世

極重此祭每世例以呈女內親王爲齋院司祭祀焉用明天皇二年詔禮神祇行新嘗祭

於磐余河上於是有踐祚大嘗之祭公事根源稱新嘗始此然據日本紀上古既有新嘗

蓋自是始重其禮耳自後每帝踐祚爲大嘗祭最爲祀典之太者孝德天皇大化元年帝詢羣

臣以治民之要大臣蘇我石川麻呂奏請先祭神祇然後議政

事於是有神祇事務先於庶政之典爾後凡帝踐祚治事必首神事每年政始每月奏事

亦先神事凡奏神事帝必起立未畢帝不得退朝天武天皇元年賜中臣忌部及神官

人國郡司以下奉大嘗者祿郡司並賜爵一級於是有神官與

祭普賜爵祿之例嗣後每遇踐祚大嘗所有中臣忌部及神官郡司諸與祭者例有賞祿今不備錄二

年八月詔四方行大解除令國造輪祓具於是有國司輪祓之

例令國造輪祓具馬一疋布一常郡司各刀一口鹿皮一張鐵一口刀子一口鎌一口矢一具稻一束每戶麻一條其九年

秋敕天下大祓又令國造等各出祓除奴婢一口凡祓除令國造輪祓具亦沿為例輪奴婢則非恆例九月神官

奏新嘗大祭卜以尾張山田丹波訶沙為齋忌於是有國郡齋

忌之例凡踐祚大嘗令國輪祭費與祭事以卜定之一曰悠紀二曰主基造殿供具皆責令經營每祭則各郡騷動

至嵯峨時藤原冬三年春普奉幣於天下諸社以祈年穀於是嗣奏請省費從之

有每歲祈年之祭公事根源曰祈年祭始於此後亦沿為例不具錄十三年始遷奉神

寶於伊勢兩大神宮於是有神宮遷宮之儀先是二年遣忍壁皇子於神宮以膏

油塗神寶至是詔每二十年改造朱鳥元年帝不豫卜之草薙

劍為祟即日祀之尾張熱田社初日本武尊已平東陸留草薙劍於宮簀姬家宮簀姬祀之熱

田天智帝時新羅僧道行盜劍逃去風雨晦暝持統天皇三年不能進而還爾後藏於宮中今又祀之熱田也

百官會於神祇官奉宣天神地祇之事六年神祇官奏上神寶

書四卷文武天皇大寶元年頒行神祇令遣泉內親王侍伊勢

齋宮於是女王侍齋之典自崇神帝始令皇女豐饒入姬奉

伊勢神宮掌天照大神祭嗣後諸帝每遣皇女司祭事中葉以後皇女封內親王每帝踐祚必簡內親王之未嫁者卜之定為

齋內親王即遣敕使於大神宮祭告擇日百官為大禊先於宮城內便所為初齋院祓禊而入至明年七月齋於此院更卜城

外造野宮八月吉日臨河祓禊入居野宮自還入日至明年八月齋於此宮九月吉日臨河祓禊乃入伊勢齋宮有裴束使有

護送使沿途設祭甚多及居齋宮有年料有月料有給物例以伊豫正稅一千斛充新居之費亦有別給於官者每歲於六月祭

祭度會宮祭大神宮朝廷遣使奉幣隨祭其儀六月十六日祭度會宮十七日祭大神宮十五日黃昏以後禰宜率諸內人物

忌等陳列神御襍物訖亥時供夕膳并時供朝膳禰宜內人等奏歌舞十六日平旦齋內親王參入度會宮至板垣門東頭下

輿入外玉垣門就座於東殿門內東西各有一殿東殿設齋內親王座左右設命婦等座西殿設女孺等座訖即神宮司執髮

木綿入外玉垣門北向而跪命婦或女孺出受以奉齋內親王拍手而執著髮神宮司又持大玉串入外玉垣門而跪命婦亦

轉奉齋王拍手而執捧入內玉垣院門就座席命婦或女孺二人陪從避席正前再拜兩段訖王申授命婦命婦受轉授物忌受執立瑞垣門西頭齋內親王還就本座然後福宜乃著明衣衣冠並用生絹大神宮司著當色衣并執大玉串福宜立前大神宮福宜立左宇治內人立右次宮司次幣襪物并馬單行陳列次朝使進入外玉垣門當內玉垣門并皆跪先使中臣申詔令次宮司宣祝詞訖物忌內人等昇幣帛案入奉置瑞垣內財殿齋內親王并眾官退出即使及宮司以下向多賀宮再拜兩段拍兩遍既而眾官退出即使及宮司以下向多賀宮再拜兩段拍短手兩段退就解齋殿給酒食訖入外玉垣門供倭舞先神宮司次福宜次大內人次幣帛使次齋宮主神次寮允以上一人酒立女一人持拍一人持酒每舞了人令飲柏酒次福宜大內人妻訖齋宮女孺四人供五節舞次鳥子名儼十七日參大神宮其儀一同度會宮元正天皇靈龜四年令文武百官率妻姊妹會於祓所命中臣氏世領其事於是有命婦會祓之禮後世稱其祝詞曰中臣祓孝謙天皇神護景雲二年始賜伊勢宮禰宜季祿其官位準從七位度會宮禰宜正八位於是有神官敘位之例凡神宮禰宜等皆敘官位後不具錄蓋中古以來所以崇神重祭者如此其隆重惟自欽明時百濟傳來佛像當時物部尾輿中

臣鎌子謂拜蕃神恐干怒國神帝雖從其請命毀佛像棄經卷而佛教卒行爾後百餘年至聖武帝益敬信佛教至削髮稱爲三寶奴及孝謙帝寵任僧道鏡命爲太政大臣禪師詔百官拜賀道鏡恃寵驕僭遂懷覬覦有太宰主神阿蘇麻呂媚附道鏡矯八幡神教曰令道鏡卽帝位天下自太平道鏡喜益自負帝惑之召從五位下和氣清麻呂於御牀下曰朕昨夢八幡神使來云大神欲憑尼法均有所告朕答曰法均女弱不勝任使請以清麻呂代之汝今宜往受神誨臨發道鏡謂之曰神意欲使我卽位所以召卿卿勉之富貴決不相負清麻呂詣神宮歸乃奏神語曰我國家開闢以來天日之嗣必立皇緒敢有他人妄竊神器者戮之無赦道鏡大怒貶清麻呂官改其名爲穢麻呂而其謀卒沮然自佛教盛行莫能兩大祭典漸湮神宇多壞而

神官祇圖爵祿祭事唯尙奢華蓋敬神之意日以弛怠矣桓武
天皇延歷三十五年中臣忌部二氏各相訴中臣氏云忌部本
造幣帛不讀祝詞是忌部不宜爲幣帛使忌部氏云奉幣祈禱
是忌部職也幣帛使宜屬忌部中臣宜充祓使詔曰據日本書
紀天照大神開天磐戶之時中臣連遠祖天兒屋命忌部遠祖
太玉命掘天香山之五百箇眞坂樹上枝懸八坂瓊之五百箇
御統中枝懸八咫鏡下枝懸青和幣白和幣相與祈禱然則祈
禱之事兩氏宜共之神祇令云祈年月次祭中臣宣祝詞忌部
頒幣帛踐祚之日中臣奏天神壽詞六月十二月大祓中臣上
御祓麻東西文部上祓刀讀祓詞訖中臣宣祓詞常祀之外赴
諸社供幣帛者皆取五位以上卜食者充之是常祀之外奉幣
之使宜互用兩氏餘一據令條平城天皇大同二年二月從五

位下忌部廣成上言草薙神劍實是神璽自日本武尊凱旋之年留在尾張熱田社外賊偷竊不能出境神物靈驗以此可觀然則奉幣之日應同致敬而久代闕如不修其禮何也尊祖敬宗禮教所先故聖皇登極受於文祖類於上帝禋於六宗望於山川徧於羣神天照大神惟祖惟宗尊無二日自餘諸神乃子乃臣孰敢與抗而今神祇官班幣之日敘大神宮於諸神之後何也其他論神祇典禮之事凡數千言帝不報嵯峨天皇宏仁十年右大臣藤原冬嗣大納言藤原緒嗣奏言聖主相續頻御大嘗天下騷動人民多疲然神事不可得廢請去文飾省冗費帝曰神事何須華靡乃令中納言良岑安世等爲檢校使以治部省廳爲行事所宮內省爲悠紀所中務省爲主基所停金銀刻鏤務從儉素標以桺造之飾以橘及木綿書悠紀主基字著

其末所用正稅悠紀主基各十萬從國司請各減五萬然其後
仁明天皇天長十年御八省院脩禋祀之禮御豐樂院悠紀主
基皆立標造日月雲霞神仙麟鳳之形悠紀樂標造巨象形構
小臺於其背令兩童子迎晝障障後設機隨舞人進蹈而舉舞
名其奢麗猶如此清和天皇貞觀六年七月敕曰前令五畿及
伊賀伊勢志摩遠江相模上總等國云鎮護國家消伏災害是
敬神祇欽祭祀之所致故格制頻下警告慇懃今諸國牧宰不
慎制旨專任神主禰宜祝等令神社破損祭禮疏慢神明由是
滋怒國家以此受殃朕意欲令諸社新加華飾而經年踰月未
有修造宜早加修飾勿致重怠八年公卿奏言六月十二月諸
家必有祓除神宴絃歌醉舞欲悅神靈而諸衛府舍人放縱之
徒不待主招每結黨伍侵幕突門徑自闖入初貪酒食後責贈

遺所求不給則忿訟詈辱或託神語恐喝主人濫惡之甚不異
羣盜雖豪貴之家尙無所憚是而不糾何云國憲請嚴命所司
一切禁遏詔令禁之醜翻天皇延喜十四年式部大輔三善請
行止封事曰朝廷每年二月四日六月十一日於神祇官立祈
年月次之祭齋肅禱神以乞豐熟其儀公卿率判官及百官參
神祇官每社設幣帛一裹清酒一甕鐵鉞一枚陳列棚上社或
有奉馬者祈年祭一匹
月次祭二匹亦皆左右馬寮率列神馬神祇官讀祭
文畢以祭物頒諸社祝部使奉本社祝部須潔齋捧持各以奉
進而皆於上卿前卽以幣絹插著懷中拔棄鉞柄唯取其鋒傾
其甕酒一舉飲盡曾無一人持出神祇官之門者況乎神馬則
市人於郁芳門外皆買取而去然則所祭之神豈有歆饗乎若
不歆饗何求豐穰伏望申敕諸國差史生以上一人率祝部受

祭物必致本社以存如在之禮其時祭神之意雖頗懈弛而歷代典章猶沿習修舉朝旨每以是申警戒廷議亦以是論得失蓋猶重之嗣後王室衰微霸府僭竊祭典舉廢莫或置議逮於近年德川氏奉還政權朝廷下太政復古之詔明治三年一月三日詔曰朕恭惟天神天祖立極垂統列皇相承繼之述之祭政一致億兆同心惟治教明於上故風俗美於下而中世已降時有汗隆道有顯晦今也天運循環百度維新宜亟明治教以宣揚神道朕故特遣宣教使布教天下汝羣臣眾庶其體斯旨是月又詔曰朕恭惟天祖創業崇敬神明愛撫蒼生祭政一致所由來遠矣朕以寡弱夙承聖緒日夜忱惕惟懼天職之或虧曠今朕敬祭天神地祇八神暨列皇神靈於神祇官以申孝敬庶幾使億兆有所矜式乃復設神祇二官以司祭祀其後併神

祇省於太政官至今猶有教導職諸官

外史氏曰神武之開基崇神之肇國

崇神尊稱曰神功之遠征

一以神道行之余考其創業垂統仗劍而出師造養而事神則

兵事出於神劍曰神劍矢曰天羽鞞曰天鞞則兵器出於神以

禊詞洗罪

素羹鳴尊得罪於天祖羣神定議去其爪髮使天兒

既成帝業使天種子命祓除國中人民罪惡害稼穡汗齋殿謂

之天罪傷人姦淫蠱毒謂之國罪皆從其輕重使請神祇而解

之以探湯定訟帝使二人請神於磯城川上探湯其法以泥置

釜中煮沸使探之甘美內宿禰手爛武內遂得伸則刑法亦出

冤其後允恭帝以姓氏淵渟亦命探湯以定真偽則刑法亦出

於神因祀而制貢調出於射曰弓端出於技曰手末崇神帝始

男女調役則賦稅亦出於神因祀而設齋藏沿其後而有內藏沿其

後而有外藏則庫藏亦出於神

古語拾遺云當此時帝與神相

有分別宮內立齋藏令齋部人世掌之應神朝以三韓貢獻更

建內藏於齋藏旁以分收官物令阿知使主與百濟博士王仁

司其出納更定藏部至雄畧帝時秦造酒領百八十種勝以納
貢貢物充物庭內自此而後諸國之調年以盈溢更立大藏令
蘇我麻智校三藏而秦氏司其出納東西漢部勘錄其
簿是以秦漢之族世爲內藏大藏主鑰此藏部之緣也因祀而
有祝詞凡踐祚則奏壽詞凡大會則奏國風則禮樂亦出於神
歷代詔書每日祭與政出於一國有大事若遷都若遷宮若與
外國爭戰必告於神所得吳織唐幣及新羅玉帛必供於神時
有水火旱潦疾疫荒歉必禱於神固不獨三種傳國神器之赫
赫在人耳目中也余觀上古之世清靜沕穆禮神重祭萬國所
同而一切國政皆出於神道則日本所獨世所傳方士徐福之
說殆非無因歟自崇神立國始有規模計徐福東來已越百載
凡百政事概緣飾以方士之術當時執政者非其子孫或其徒
黨歟曰劍曰鏡曰璽皆周秦制也君曰尊臣曰命曰大夫曰將
軍亦周秦語也

或曰日本上古蓋無文字所謂劍鏡璽及大夫將軍之稱皆於傳習漢文之後譯而名之不足

爲秦人東來之據然考日本之傳論語始於晉時其編輯國史
在隋唐間既不用商周以前之稱又不用漢魏以後之制則上
世口耳相傳必有父老能言其故者況若鏡若璽明明秦物固
有可據乎或又曰果使徐福東來當時應齋文字何待數世之
後百濟王仁始行傳授余又以爲徐福方士不重儒術其所携
三千男女盡屬童年不習文字本無足怪又其時挾書有禁自
不能徑携卷冊而行斯爾後國政以出納屬之秦造以禋詞屬
說也亦不足爲難也

之東西漢若有特重於秦漢人者當亦有故也抑余考日本諸
教流行獨無道教蓋所謂神道者卽爲道教日本固早重之彼
張魯之米教寇謙之符籙杜光庭之科儀反有所不必行矣

佛教

佛之入日本也欽明帝十三年十月百濟國王獻佛像及經論

大臣蘇我稻目捨宅爲寺名曰向原寺

按大蘇志曰廣嚴寺舊名向原寺一名建廣寺

在高市郡豐浦村三代實錄曰散位從五位下宗岳朝臣木村言建興寺是先祖大臣宗岳稻目宿禰所建

此佛寺

之始也因天下大疫旋毀除之

大連物部尾與中臣鎌子奏曰國家自古祭祀天神地祇今禮

蕃神忍國神為怒帝曰令稻目私禮拜之既而大疫尾與鎌子
奏曰是災也以禮蕃神故也請速廢之帝乃教有司棄佛像於
難波掘江悉敏達帝十三年鹿深臣佐伯連齋佛像自百濟還
燒毀佛寺

蘇我馬子宿禰稻目之子入復創佛寺造塔於大野邱北此造

塔之始也大蘇志曰在高市郡請還俗僧高麗慧便師之鞍部

村主司馬達度其女嶋為尼更名善信時年十一從之為尼者

云阿摩本是梵語北齊白羊謠阿摩姑調也註曰太原公主嘗

為尼故曰阿摩姑南山道宣四分律行事鈔曰阿摩母也尼者

女也宋靈芝元照資持記曰阿摩尼即佛達子多須奈崇峻帝

名姨母之號今案此二號乃女流通稱

時剪落更名德齊時為尼者三人此僧尼之始也其所宗有華

嚴三論法律宗俱舍成實等神皇正統紀曰華嚴僧朗辨傳於

又名大華嚴寺三論孝德帝時高麗慧觀所創即符秦羅什三

藏所傳也後僧道慈在大安寺衍其法與華嚴並行法相興福
寺所傳僧定慧遊唐受之元并三藏定慧即大織冠鎌足之子
也後僧正元昉遊唐學泗州僧智周智周元并之法孫也律宗
勝僧鑒真天平勝寶中所秘爾後南都有恩天台始於傳教傳
圓北京有我禪俱舍成實道慈律師所創

大師名最澄延歷中創立止觀院於北叡山延歷二十三年從遣唐大使藤原葛野朝臣游唐受密教於天台道邃詳見神皇正統紀及元亨釋書按宋史日本傳曰葛野與空海大師及延歷寺僧澄入唐詣天台山傳智者止觀義當元和元年也佛祖統紀道邃傳曰貞元二十一年日本國最澄遠來求法聽講受誨晝夜不息書寫一宗論疏以歸真言始於空海海奏建真言院於宮中賜東鴻臚地建東寺又創金剛峯寺今之高野山是也詳見神皇正統紀及元亨釋書舊唐書日本傳曰貞元二十年遣使來朝留學生橘免勢學問僧空海谷響集引諸宗志曰不空弟子有慧果者元和中禪宗始於榮西名榮西號明庵又號千光法師仁安三年從商舶遊宋登天台得天台新章疏三十六部歸文治三年再游宋受禪法於天童虛庵建久三年在筑前香棲屋郡創建久報恩寺六年又建聖福寺於博多後鳥羽天皇賜宸翰額曰扶桑最初禪窟建仁二年將軍源賴家創立建仁寺以榮西為開山此禪宗之始也詳見元亨釋書及東鑑榮西西遊當趙宋時禪僧之來歸及遊學於宋者絡繹不絕五山十刹五山十刹歷應中所定京師鎌倉位次歷朝不同今以京師天龍相國建於是建立爾後仁東福萬壽等寺為五山而南禪寺獨冠五山源空號淨土宗親鸞宗又號本願寺門徒日蓮以唱法華經題目為宗故

俗呼爲法華宗

亦相繼叛宗門皆在鎌倉氏時指歸雖各異其源出於天台至晚近支流餘裔不復止此其倡爲宗教者大概亦宗釋氏之說惟日本最重神道而最澄空海則謂日本某神卽某佛菩薩化身推佛於神復援神於佛於是日本之神無不佛矣釋氏務絕俗累而親鸞則謂不必離俗不必出家但使蓄妻子茹葷酒而此心清淨卽爲佛徒於是日本之民半爲僧矣源空之淨土專以宣佛號爲事曰蓮之法華專以唱法華經題目爲宗皆謂口念佛卽心奉佛心奉佛必以其法力鑒臨而護庇之其說皆卑邇易行故信從愈眾於是日本之國化爲佛國矣王公貴戚之歸佛姑不論也僧人有官銜者各法其法職其職民間啞羊烏鼠之徒規取飽食煖衣者都會之間動以萬數蓋中世已降無度牒之制

度牒始於養老四年今謂之度緣其廢不詳自何時今京師東福寺有正和二年度

牒駿河久能寺有承久元年度牒

是以闔葺之民貪婪三塗屑越四恩覩然稱

佛氏之徒者往往有之所謂釋氏之糟糠法王之社鼠內戒所

不容國典所共棄也禪家之支流有虛無僧者以普化爲祖五

會元曰鍾州普化和尙者不知何許人也師事盤山密受真訣

而伴狂出言無度暨盤山辭世乃於北地行化或城市或塚間

振一鐸曰明頭來明頭打暗頭來暗頭打四方八面來旋風打

虛空來連架打唐威通初將示滅乃入市謂人曰乞我一棺直

殺人或與被襖或與布裘皆不受臨濟令人送與一棺便受之

乃辭眾自擎棺出北門外振鐸入棺而逝郡人揭棺視之已不

見惟聞空中身不著僧衣頸挂袈裟及方便囊戴深檐蘭笠吹

尺八笛登市門化米其徒頗蕃關西隸京師妙安寺關東隸江

戶一月寺然不誦經不戒行不翦落故無賴之徒多歸之佛寺

之在西京者五百三十九區統海內寺宇禪宗一萬九千三百

八密宗一萬一千一百一十遍教六萬七千一百源空教十四萬

二千融通派一千五百一向派本願門徒四萬五千東本願門

二千融通派一千五百一向派本願門徒四萬五千東本願門

二千融通派一千五百一向派本願門徒四萬五千東本願門

二千融通派一千五百一向派本願門徒四萬五千東本願門

徒八萬八千三百九十四專修門徒七千五百二十日蓮教八萬三千二十合共四十六萬四千九百四十二寺可謂佛國矣

此寺數據萬延元年德川齊昭所上防海疏維新以來頗有減損考北魏一萬三千寺唐武宗卽位廢浮屠法毀寺四千六百招提蘭若四萬而宋景德中天下二萬五千寺元祐三萬九千寺見孔平仲談苑元至元二十八年天下寺宇四萬二千三百一十八區見續文獻通考然僧徒盛時上自公侯下至庶民不尙不及日本十分之一也

建寺塔不列人數堂宇之崇佛像之大工巧之妙莊嚴之奇有如鬼斧神工又令七道諸國建寺各用其國正稅於是舉國之費十分而五一寺度僧歲三四百人舉國之民禿首過其半多家蓄妻子口啖腥膻甚至群聚爲盜竊鑄錢貨黨徒相攻敢劫關白之第八太政大臣家掠財物及莊園且率徒黨發山陵入宮殿劫神輿後宇多帝時至毀闔截簾破行事障子帝乃御腰輿逃匿內大臣私第暴亂淫縱天下所未有也維新之後佛教

較衰僧徒田產多沒入官明治六年下令僧徒均許食肉娶妻

山伏蓋出於真言家乃在家奉佛者其祖役小角大和葛城茆

原人或稱役行者又稱役優婆塞

翻譯名義集曰優婆塞肇曰義名信士男淨名疏云此云

清淨士亦云善宿男雖在居家持五戒男女不同宿故云善宿壯入葛城山居巖穴三十年結

蘿爲衣拾果爲食能持禁咒役使鬼神凡國中名山大嶽足迹

殆遍外從五位下韓國連廣足嘗師事之後害其能誣奏之朝

遣吏收之小角騰空而去乃繫其母小角不得已就囚配伊豆

嶋續日本紀文武帝之三年五月也

居三歲放還後奉母入海云

見元亨釋書及扶桑隱逸

傳今諸山多祠之而金峯山香火最熾奉其教者曰山伏或曰

修驗冠寸許小冠於額上

俗謂之斗巾

被髮跣戒刀振鐸鳴螺每春

秋入金峰山修法持戒極嚴其法本於真言而其說猶道家也

小說所謂解魔法師之類耳其官全同僧家皆隸聖護三寶二

府又有一等在肆市臨路設店挾巫覡卜筮風鑑相形拆字之術以禳災解魔賺錢財者都會之地最多

外史氏曰昔韓昌黎以諫迎佛骨貶潮州其時關東西則有丹霞然圭峯密河北則有趙州諡臨濟元江表則有百丈海瀉山祐藥山儼嶺外則有靈山巔其師友幾徧天下皆以超世之才智絕人之功力津梁後起以合於菩提達摩之傳當公之闢佛爲佛極盛時故極爲其難然自公之闢佛人人有公闢佛之說據於胸中所謂功不在禹下者此也是說也余聞之陽湖惲子居云余考日本之僧其倡爲宗教者尤多後傑日本以神建國排神說法勢所不行於是乎最澄空海推佛於神援神於佛以佛爲體以神爲用體用歸乎一源斯說一行而混糅神佛舉國之神無不佛矣食色性也拂人之性亦勢所難行於是乎親鸞

不離俗不出家蓄妻子茹葷酒謂煩惱者骸而清淨者心學佛在心而不在迹斯說一行而道俗無別舉國之民無不僧矣若夫源空之淨土日蓮之法華第以口唱佛號卽爲佛徒愈卑愈簡愈淺愈近愈易修而愈溺人日本之於道旣無周公孔子倡明之於前又無昌黎力闢之於後彼僧徒者鼓其說以煽動羣倫其化日本爲佛國亦無足怪也宋人之闢佛也精昌黎之闢佛也粗然僧徒不畏宋人而恨昌黎則以昌黎焚其廬火其書之說行而佛教自絕也中國之說佛也精日本之說佛也粗然中國佛教不如日本之盛則以親鸞不離俗不出家之說行而人人得以自便也夫天堂地獄之說因果報應之談愚夫愚婦之所易惑天下愚夫婦多而賢士大夫少知愚夫婦之所敬信迎其機而導之順其情而誘之因其利便而徇之而吾說自無

不行之數僧者其宗指不同而其因國俗順人情以施教則無
不同可不謂聰穎桀黠之士歟近日耶蘇教之盛徧於五洲其
所謂待人如己於吾儒之道彌近理而彌亂真者也然其教行
於中國竭智盡力僅能誘愚夫婦而不能惑士大夫蓋其教以
祀祖先奉神祇爲大禁以中國聖帝明王四千餘年世世相傳
之禮欲一旦廢已而從之勢固萬萬有所不能故也嗟夫以彼
國勢之強教徒之盛寺宇之莊嚴布施之廣大其財力可以無
所不至厯賴此祀祖先奉神祇之習得互相楮柱而柅之不行
謂非厚幸歟苟使彼教之徒有最澄空海親鸞其人者從吾俗
以行彼教吾未知其所底止也雖然佛教詆祆教爲魔祆教亦
以佛教爲陋凡佛教之崇偶像逞神通至於戒殺出家無不與
祆道相扞格相水火者而今之印度信祆道者居十之五是耶

蘇一教竟不難居佛之國變佛之俗而奪而有之矣念及此不禁爲之惴惴危懼也

氏族

神武東征都於橿原班功胙土於是有國造縣主之號子孫世

守爲得姓之始國造之外

各居其國掌國事謂之國造古有國造百三十餘

有伴造謂諸

部君長首直

縣主之下有村主稻置等各以官爲姓其後置大

連大臣卽以臣姓爲大臣連姓爲大連皆世其官并令統領氏

族

若大臣闕官使大連統臣連二姓至推古帝時始制官位乃廢世官連臣伴造專爲姓稱矣

洎天武帝十

三年詔定八等之姓曰真人曰朝臣曰宿禰曰忌寸曰道師曰

臣曰連曰稻置以牢籠姓氏所以明源委分貴賤使人知氏族

之所主

紀傳謂之戶按尸主也詩召南誰其尸之又古者祭祀皆以尸爲主也今以真人朝臣之類爲

尸者蓋以爲一族之主刑部親王姓氏錄曰源朝臣信弟妹凡八人宏仁五年各賜姓以信爲尸主其義可見又姓氏錄序名

為氏骨骨之為言主也氏骨者言氏族之所以為主也

眞八朝臣之類受之天子者為尸

尸即姓也如源平紀橘藤原清原之類或身自為之者則為氏

世或以源平紀橘藤原清原之類為姓者誤矣國史書曰賜姓曰眞人曰朝臣曰宿禰曰連又有連姓氏書之者曰賜姓源朝臣曰賜姓橘宿禰未有稱賜姓源賜姓橘者矣可見朝臣宿禰是姓因寶胄官閥得賜之氏則不必受之天子人人有之矣顯炎武曰言姓者本於五帝見於春秋者二十有二黃帝子二十五人得姓者十四而已姓則受之天子也攷魯左氏傳曰天子建德因生以賜姓胙之土而命以氏諸侯以字為諡因以為族官有世功則有官族邑亦如之公命以字為展氏氏則稟之時君也土會之幣處秦者為劉氏伍員之子在齊為王孫氏知果自別其族為輔氏則身自為之也日本姓氏之別蓋畧同於三代云其命氏有以國者吉備飛多是也以邑者小野菅原是也以官者刑部采女是也以事者錦部酒部是也以功者治田垂水是也以居者柿本田邊是也

通雅曰後世或氏於國則齊魯秦吳於諡則文武成宣於官則司馬

司徒於爵則王孫公孫於次則孟孫叔孫於氏則展氏臧氏駟氏國氏於居則東門北郭於志則三鳥五鹿青牛白馬於事則

巫乙匠陶蓋亦與華同

後世子孫傍支別屬俗謂之苗字苗字即族也其

後氏族派衍愈繁要不離乎以地以官以事以物其尤僻異者
曰手塚曰股野曰田麥股曰夏目曰肝付曰橋瓜曰池尻曰腹
卷曰一色曰是枝曰豬野曰鳥尾曰犬飼曰鹿伏免曰小鳥遊
曰鵜飼曰矢土曰孕石曰二瓶曰纈纈曰酒匂曰兒玉曰妻木
曰哥枕曰夫妻木曰可兒曰妹尾曰神鞭曰九鬼曰鬼越曰甲
乙女曰左乙女曰望月曰小花曰四十住曰五十嵐曰十八女
曰四月朔曰七寸五分曰萬里姊小路其有一氏分爲數族
者若藤原氏分爲近衛鷹司三條等族是也近世二字若三四
字氏族多省爲一字其字不雅馴者取偏旁或通音易之如藤
原氏也省曰藤安藤齋藤遠藤近藤族也皆省曰藤又省曰滕
源流不辨矣

瑯琊代醉編曰今之稱複姓者皆從省文如司馬則曰馬諸葛則曰葛歐陽則曰歐夏侯則曰侯鮮

於則曰於如此之類甚多相承不已複姓又得混於單姓矣日知錄曰洪武元年詔夷服夷語夷姓一切禁止如今之呼姓本

呼延乞姓本乞伏皆明初改而并中國所自有之複姓皆去一字氏族之紊莫甚於此日本氏族之變遷亦與華同也蓋

日本以世官故氏族最重臣連伴造以官爲姓其後賜姓命氏自垂仁始然至允恭時旣家誣其祖人僞其氏乃使諸姓人盟神探湯以別眞僞孝德帝嘗詔云今有苟冒人姓妄其所自出而臣連伴造國造之弱宗劣族遂以神名王號爲賄庶民賤種竟亂巨族其釐正之然自蘇我氏之亂圖籍灰燼姓氏失譜故天智時爲制氏上氏上猶宗子也天武因之令諸氏上未定者官爲理之族大寵多者分宗立氏上使糾率其族百官系譜舉藏之圖書寮治部省立解部主窮問諸姓譜第以解其訟其舊家世族概廢世官別製新官定冠位分爲八品姓又分三別以天神地祇裔爲神別皇子王孫爲皇別漢人及韓人來居者爲蕃別使有升降若爵命然名曰寵號氏之寵號旣定宏仁姓氏錄尙載舊姓有一千一百八十二氏自諸藤專

朝不舉他族而物蘇伴秦舊姓凌遲式微多降爲皂隸矣源平迭興枝葉之蔓分宗立長其長者猶古氏上其族人稱家子郎黨綿延國內古之氏上遂亡逮足利氏興而贅壻冒姓卽欲討其宗派亦不可得蓋源平以後尙武競爭各固黨羽義兒假子動至百十此假子混冒者一也寡男無耦妻以女子贅爲齊壻卽奉先祀此贅壻混冒者一也蒲生秀實曰源平以來家子郎黨常致之股肱或爲之死生如和氏之亂舉族殲焉新田氏義舉亦舉族赴之當時宗族相保如此多養假子以強宗也又曰天下餘子多以男嫁人冒姓其婦家而世之無子養人子爲後者必先議其幣多少而後定議封建之世官以世功爵以世襲侯伯嗣絕例應削國故必養子以圖繼世下至大夫食采羣士食祿莫不皆然此養子混冒者又一也少孤幼寡障母改嫁謂他人父卽後其宗此隨母混冒者又一也此外則避諱改易移宮換羽避仇逃匿將甲作乙又其一也因是混亂不可復別

大抵數百年來藤橘源平最爲望族故混冒亦最多凡故家世
族各爲徽幟以自表異用花草禽獸繪其二於袖或一或三於
背名曰紋如藤原氏爲藤花菅原氏爲梅花德川氏爲葵葉之
類使人望而知爲某族也維新以來許平民與士夫相婚嫁有
擢用爲官者不復如前之重望族然舊藩侯猶爲華族藩士猶
別爲士族云 有名生子則七日命名古之摺紳世家蔭子五
位謂之敘爵敘爵而冠謂之敘爵天子則賜五位三公則賜四
元服禮冠而字此則冠而名矣有通稱有字有別號古來有
名無字學士輩仿唐人偶爲之而多用單字合姓呼之如菅三
紀寬三是也 然平日無所用之故古人少命字者近世儒生輩皆命

字間有三字四字者又有別號甚有多至十數者

如藤原肅字
敏夫又號柴

立子廣胖寓如林信號羅山又號浮山羅洞四維山長
胡蝶洞梅邨花夕顏巷顏鄂巷巖眠雲母溪尊經堂然唯施
之其輩流而已人間應酬概用通稱蓋通稱似小字然亦小同

大異兵部民部大學元蕃之類謂之百官名非士以上不得稱

其他曰左右衛門曰左右兵衛曰大夫曰內舍曰藏藏人曰

丞曰輔曰佐曰助曰介亦官名也大郎二郎三郎之類輩行也

各冠以一兩字或以氏及行自士大夫迨民間僕暨皆以此為

稱呼考元史名脫脫者十五脫歡者十三伯顏者九豈亦源右衛門平兵衛之類乎案通雅曰士文伯是士鞅之族亦名

句魯仲嬰齊莊之孫即公孫嬰齊之從祖鄭公孫段字子石而印段亦字子石古人自不為嫌琅琊代醉編曰魏安釐之父名

屈子亦名屈周厲王名胡而僖王名胡齊衛穆公名邀而成侯亦名邀鄭武公名掘突而厲公名突周襄王名鄭衛成公與之

同時亦名鄭晉定公名午而厲公名突周襄王名鄭衛成公與之其臣亦名惡蓋周人雖重諱不如後世之甚故多同名也又春

秋左氏所稱氏族名如祭封人仲足士會字士季初受隨後更受范或稱曰祭仲足曰祭封人仲足士會字士季初受隨後更受范或稱

曰隨季曰范會曰季氏曰范武子曰隨武子瑕呂飴甥或稱曰殺甥曰陰飴甥之類與漢以後之稱謂大不相同類且其命名如

黑肩黑背黑臀髡頭杵曰賓媚人關穀於苑有僻陋可笑者蓋一國而古今不同風猶如此況東西殊域其俗豈得無異然其

源流變遷大概從同斯亦奇矣

社會

社會者合眾人之才力眾人之名望眾人之技藝眾人之聲氣

以期遂其志者也其關於政治者曰自由會

自由者不爲人所拘束之義也其意

謂人各有身身各自由爲上者不能壓抑之束縛之也

曰共和黨曰立憲黨曰改進黨

皆指改革政體爲君民共主者曰漸進黨

意亦主改革政體但以漸進爲義凡會必推一人或二

三人爲總理次爲副理次爲幹事會中有事奔走周旋聯絡通

氣皆幹事司之凡入會者書其姓名於籍例有開會議推總理

爲首席總理舉其立會之主義以告於眾眾人者亦以次演述

其所見每月或間月必招集會友互相談譙每歲則彙敘所事

會計所費刊告於眾會中或論時事駁政體刊之新聞紙苟他

黨有不合者摘發而論之則必往復辯論務伸其說而後已其

大概也有關於學術者曰天文會曰地理會曰斯文會

漢學家之會

曰蘭學會

治和蘭學

曰英學會曰詩會曰歌會關於刑法者曰明法

會曰講律會曰代言人會

熟於法律代人理詞訟曰代言人

關於宗教者曰佛

教會曰某曰某

佛教中又分宗派也

曰神道會曰某曰某

神道中又分支派也

曰耶

蘇會曰天主會曰希臘教會各曰某曰某

耶蘇天主教中又各分流派也

關於

醫術者曰醫術會曰漢醫會曰洋醫會曰剖解會

洋醫中之講求剖解支體

也關於農業者曰植物會曰動物會曰要術會關於商賈者曰

商法會

講求商法教人以記數諸法

曰某物某物會皆各就其所業以講求

其術會友有所疑則發問有答辯之者有所知則告人有引伸

之駁論之者此外商人斂資合夥以爲商均各就其事名曰某

會某社其總理以投票公撰之每歲舉其商業之盛衰盈虛普

告於人所得之利按股而均分凡商業之大者均係斂貲無以

二人獨力爲之者有關於術藝者曰書畫會曰名磁會曰雕

刻會曰七寶會曰女紅會曰錦織會曰銅器會有關於玩賞者

曰古錢會曰觀古美術會曰珍寶會此則襍陳古人名物及今

人巧手以考其精妙猶博覽會意也有關於游戲者曰競馬會

曰角觥會曰千人會為二牌一曰原牌一曰影牌限數至一千

期盛原牌於匣匣上有孔引錐刺而出之以原牌對影牌得第

一者得大采餘采輕重有差至百為止猶今呂宋票也國語名

之曰此皆斂錢以為博者有關於人事者曰親睦會或同官或

業或同社醕錢以飲食晏樂曰輔助會曰布施會曰一錢會大

名曰親睦會猶今之團拜也凡日本人無事不有會無人

會每月每人斂一錢有疾病死喪不入會此略舉其凡耳其國家設立以啟民智勸工業者曰博

覽會自天象地圖以及飛潛動植之物製造述作之事風火氣

化之學耳目之所未見日用之所必需無不部別區分陳其物

摸其形別其品書其名使觀者一覽而知之有共進會又名競

人工製造之物互相比較謂共期進步也若絲若茶若綿若糖皆就一物設為專會

使業此者各出己物陳於會場記物之名與製造之名審查而

考覈之每物出品至二三千校其氣候土質之宜否種之良枯

栽植之同異培養之肥瘠器具之工拙以及製造之方收藏之

法捆載之宜搬運之便總其出品之精粗美惡別為等第其尤

者賞以金牌次者賞以銀牌又其次者給以褒獎使人人勉厲

爭自濯磨最善法也西歷一千七百七十九年佛蘭西首相紐弗紗迢以山林樹木日事採伐苟不講求

種植之法必致匱乏遂創為競爭會臚列諸品按其尤者賞而勉之試之數年有效諸國遂互相倣行如農器穀食獸畜之類

爭先設會一千八百八十年英國初設農桑會其上等至賞銀八千圓適年諸國開會沿革損益精益求精遂為國家一大政事先

期築會場籌費用布告萬國令諸國向人咸來爭賽如佛之萬國博覽會美之百年大會其尤著者也

外史氏曰天之生人也飛不如禽走不如獸而世界以人為貴

則以人能合人之力以為力而禽獸不能故也舉世間力之最

巨者莫如聯合力何謂聯合力如熾炭然散之數處或數十處一童子得蹴滅之若萃於一爐則其勢炎炎不可嚮邇矣如束箸然物小而材弱然束數十百枝而爲一束雖壯夫拔劍而斫之亦不能遽斷凡世間物力皆有盡獨聯合力無盡故最巨也余觀泰西人之行事類以聯合力爲之自國家行政逮於商賈營業舉凡排山倒海之險輪舶電綫之奇無不藉衆人之力以成事其所以聯合之故有禮以區別之有法以整齊之有情以聯絡之故能維持衆人之力而不渙散其橫行世界莫之能抗者恃此術也嘗考其國俗無一事不立會無一人不結黨衆人習知其利故衆人各私其黨雖然此亦一會彼亦一會此亦一黨彼亦一黨則又各樹其聯合之力相激而相爭若英之守舊黨改進黨美之合衆黨民主黨力之最大爭之最甚者也分全

國之人而爲二黨平時黨中議論付之新聞必互相排解互相
偏袒一旦爭執政權各分遣其黨人以圖爭勝有游說以動人
心者有行賄以買人心者甚有懸擬其黨人之後禍挾發其黨
人之隱惡以激人心者此黨如是彼黨亦如是一黨獲勝則鳴
鼓聲礮以示得意黨首一爲統領爲國相悉舉舊黨之官吏廢
而易置之僚屬爲之一空美國俗語謂之官吏逮捕法謂譬如捕盜則盜之黨羽必牽連逮捕之也
舉舊日之政體改而更張之政令爲之一變譬之漢唐宋明之
黨禍不啻十百千倍斯亦流弊之不可不知者也

日本國志第十一

卷之三十四

出使日本參贊官黃遵憲編纂

物產志一

外史氏曰物產之盛衰國民之勤惰係焉田野之蕪治係焉而國家之貧富強弱無不係乎此宇內萬國自古迄今昭然若揭矣今海外各國汲汲求富君臣上下并力一心期所以繁殖物產者若伊尹呂尙之謀若孫吳之用兵若商鞅之行法其竭志盡力與鄰國爭競則有甲弛乙張此起彼仆者其微析於秋毫其末甚於錐刀其相頃相軋之甚其間不能以容髮故其在國中也則日討國人朝夕申儆教以務財力農蓄工於已所有者設法以護之加意以精之於已所無者移種以植之如法以倣之廣開農商工諸學校以教人有異種奇植新器妙術則摸其

形繪其圖譯其法而廣傳之凡絲茶棉糖之類必萃其類區其品開博覽共進之會以爭奇競美褒其精純禁其飾匿而進而勸之而猶慮他國之產侵入我國吾之力微不能拒也則重征進口貨稅使人物騰貴無相侵奪而吾乃得徐起而收其效於是乎有保護之法泰西一千八百四十四年美國初興鐵利其時英國輸入鐵塊每百磅值三圓三十錢亦課稅三圓蓋重課人稅使價重於我國產乃可以銷流俟國產王稅乃遞減西人名而猶慮己國之產不售於人國吾之利薄不能盛日保護稅也則分設領事徧遣委員使察其風尚之所趨人情之所習而依倣其式以投其好於是乎有模造之法又其甚者商務不競繼以兵戰一遇開釁輒以偏師毀其商船使彼國疲敝不能復振而吾乃得壟斷以圖其利如英之於荷蘭則尤爭鬪之甚者矣泰西百餘年來累世講求上自王公貴人下至傭販婦女皆

心知其意上以是爲保富之方下以是爲報國之務泰西人有恒言疆場之役十戰九敗不足慮也若物力虛耗國產微薄則一國之大命傾焉元氣削焉彼蓋籌之精而慮之熟矣譬之一豪農之家環四鄰而居者以所居近市各出其瓜瓠果贏之美以圖朝夕升斗之利而爲之主人者一聽其賤傭下婢栽培灌溉曾不一問欲以是爭利不亦難乎不亦難乎日本維新以來亦兢兢以殖產爲亟務如絲之售於英法茶之售於美海產之售於中國則尤其所竭精做神以求之者可不謂知所先務與管子曰本富爲上末富次之太史公曰善者因之其次利導之其次整齊之其次教誨之有國家者能勿念諸作物產志

絲

日本之絲由來遠矣應神帝時既遣使於吳求織縫女

山海經云歐絲

之野在大踵東有女子跪據樹歌絲則上古既有之與至雄畧帝命秦公酒統領養蠶蠶

大蕃息賜姓爲禹豆麻佐先是秦人弓月自稱是始皇後於應神時自百濟來迨其孫普洞以製繭

功賜姓陂陀秦公酒其後裔也既知養蠶之利國中亦能自織紬絹近年與泰

西通商英法諸國爭購其絲遂爲國產第一大宗其浴種飼養

分薄入簇諸法亦同於中國多於山中掘坑藏種名曰風穴至夏初取出蠶卵用格子裝疊置之

暖處候十餘日乃用小帚掃撥蠶子於竹筐內揀嫩葉切細條

飼之再六七日方食大葉飼毋失時又歷八九日則吐絲矣當

吐絲時授以器物使緣器布絲絲盡成繭於烈日中晒之如遇

陰雨則取繭置箱以火蒸一二時再置於當風處令之吹乾惟

其色潔白不及日晒近學於佛國擇繭繰絲則以鐵鍋煮執湯

兼用蒸燥二法仍不失色澤云將繭蒸軟每人司一鍋一車左手取繭四五枚右手轉車其最

初抽出者曰屑絲次層曰戛斗絲三層曰生絲四層曰偽棉絲大

柔弱且爲蠅污染洗之以水凡繭尤粗大者中必有一蛹抽出

晒之以日以其似棉故名其絲如線名曰玉絲若繭爲蠅破絲寸寸斷不能作絲者名曰

直棉

製法以禾稈燒灰摺取鹵汁復澄而清之用以煮繭再用清冷水淨洗曬乾其式如猪肚故又名曰猪肚棉其

蠶家欲留蠶種不蒸不曬聽其破繭出蛹名曰繭壳碎屑者曰

屑繭又擇取壯繭別藏於室聽其破繭而出配以雌雄則互相

粘合至十曰外即能散卵用硬紙一片長一寸濶六寸散布其

上名曰蠶卵紙

中國名曰蠶連計每一蠶卵紙可出繭七斗每斗可造絲四斤半

凡繰絲多用

女工每一人能抽絲三斤半以紙條粘縛成總每總重八九錢

以四十總爲一束每束三斤或二斤半以二十八束爲一包每

包約重五十五六斤近年多以機器製造機器有水火二法水

用木器火用鐵器鐵器爲上木器次之

初明治三年民政部之庶務司議於上野國富

岡開儀器製絲場於佛國購買機器雇男女工師五年十月開

場並募內國女工傳習其法受業者凡二千餘人至明治十年

一歲間通計出絲四千九百五十四貫七百零一錢並屑絲等

項值價金二十八萬六千九百二十四圓除費用之外實有利

益金十萬零四千八百二十二圓爾後逐年經營益以恢廓其民間

商會以機器營業者甚多尤著者曰岩代國二本松製絲會社

絲尤精美名曰娘絲工場役人凡二百二十餘每歲製絲一萬
二百九十餘斤陸羽七州爭做其製應之如響曰上野國前橋
研業社創於舊前橋藩土族深澤雄象連水堅曹諸人於明治
三年特聘瑞西人爲師傳習意大利絲法易提抽之法爲嚆
綫質美而價高人爭慕倣有曰桐華組日盛社皆規模極大其
上野之確冰精線社則專以水車線絲凡十數組每組各分一
室別有上野桃井會社又有參酌水火機器別製手車以省人
亦用水車皆最有名
力者武州八王子驛內藤左右衛門創製一人獨操之製絲器
械每一機值銀四圓又矢島某自製踏車器械所出絲皆
價勝於常常陸國西村文平創製人力運轉車每一人之力可
充十六人之用又加賀國白峯社創製單線車其法多模擬水
車代以日本產絲凡四十餘州山城攝津武藏相模伊勢上總
人九
下總常陸三河尾張甲斐駿河遠江伊豆近江美濃飛驒信濃
上野下野岩代磐城陸前陸奥羽後羽前若狹越前加賀越中
越後能登丹波丹後但馬石見備中長門周防伊豫紀伊豐前
豐後筑前肥前肥後日向皆有之以上野爲最多武藏次之絲
之佳者與州之濱付岩代之掛田武州之八王子驛皆有名而

機器所製若上野之富岡前橋岩代之二本松尤為擅美尋常

每百斤平均約五百餘圓而繭以岩代國伊達郡所出為全國

之冠伊達郡有丹治梅吉者精於蠶事專以輸出海外為業既

廣求善種又分遣教師於諸國習蠶之法精益求精遂

為傑其蠶卵紙一種則信濃國為最多近年以來絲業益盛國

家既於富岡開機器製絲場以為民倡復開屑絲屑繭紡績所

以收遺利向來屑絲屑繭僅以充綿尤下者付之棄捐明治六

年委員某在意國講求其術歸請於朝乃開紡績所

其法藉水車之力以屑絲為精綿更以蒸氣機擦絲品質

色澤竟能與精絲彷彿民間仿為之遂有輸出海外者開製

絲試驗所以驗人工在東京內藤新宿仿意國機器以一又於

勸農局中講求蠶事廣採新法歷驗利病以刊告於眾如將蠶

形器解剖為圖以驗其利病又分為清冷室清溫室盛熱室濕

煖室乾寒室濕寒室每日每時測晴乾陰雨及風之方向與蠶

之食度桑葉之多少以驗卵之生明治十二年開繭絲共進會

育繭之造就病蠶失蠶之多寡

凡出品者一千一百二十二家一千三百二十六品

內絲八百零四品繭

五百二 乃精撰委員一一審其包裝便否結束良否裝飾宜否

光澤佳否價格高否細大均否取絲四百條稱準分量又分絕

斷之多少試驗以機器疵類之大小取絲百條攤為平強力之多少

取無疵之伸度之長短設一定則驗其再繰之難易辨其絡交

絲以試驗着之多少口之然後考其機器之力使役女工之數及製造

之額擇其尤者而褒賞之民間靡然從風豪富鉅商爭結社會

與外商相爭抗多有直輸外國不假外人手者先是釐卵紙一

枚價約一圓九十錢四年落至九十餘錢至明治八年諸國競

相製造驟增百餘萬枚而是年意佛兩國購者甚少初擬價高

者每枚二三圓其後僅值二三十錢甚則僅值二三錢棄之幾

如土苴政府乃命豪商數人以金八萬圓購而焚之復嚴設規

則以防濫造至明治十一年值價猶不過七十錢而已現猶設

法以冀挽回焉向來日本絲商祇運出通商港口西商購而自

運回國然往往驗貨定價輒飾詞退回而日本絲商以爭先競

賣時有虧折至十四年日本乃聯合諸商設一社會名曰生絲

存貯所議令商人運絲先到公所公所為之分別等第西南欲

購買者自到公所預交定銀然後出絲所有悔約競賣諸弊概

價									
十年度	六四六	六四三	五三三	四〇四	四〇三	三三三	二二〇	五八六	一六六
十年度	六四六	六四三	五三三	四〇四	四〇三	三三三	二二〇	五八六	一六六
計	六四六	六四三	五三三	四〇四	四〇三	三三三	二二〇	五八六	一六六
元年	六四六	六四三	五三三	四〇四	四〇三	三三三	二二〇	五八六	一六六
二年	六四六	六四三	五三三	四〇四	四〇三	三三三	二二〇	五八六	一六六
三年	六四六	六四三	五三三	四〇四	四〇三	三三三	二二〇	五八六	一六六
四年	六四六	六四三	五三三	四〇四	四〇三	三三三	二二〇	五八六	一六六
五年	六四六	六四三	五三三	四〇四	四〇三	三三三	二二〇	五八六	一六六
六年	六四六	六四三	五三三	四〇四	四〇三	三三三	二二〇	五八六	一六六
七年	六四六	六四三	五三三	四〇四	四〇三	三三三	二二〇	五八六	一六六
八年	六四六	六四三	五三三	四〇四	四〇三	三三三	二二〇	五八六	一六六
九年	六四六	六四三	五三三	四〇四	四〇三	三三三	二二〇	五八六	一六六
十年度	六四六	六四三	五三三	四〇四	四〇三	三三三	二二〇	五八六	一六六
十年度	六四六	六四三	五三三	四〇四	四〇三	三三三	二二〇	五八六	一六六

蠶絲類各種平均百斤價表

生
絲屑
絲熨斗
絲繭
壳眞
綿玉
絲屑
繭
繭

[illegible]

蠶卵紙歷年輸出價量表

	數	價	平均一枚價	百分	比價例
元年	一八六三。	三七三三。	一九七	二二二強	五七二弱
二年	二七四九三	二五〇〇六	一八二	一五五強	三八五弱
三年	二九七六六	二五六七五	一八四	一五七強	三九五弱
四年	二四〇二七	二八五八	九二	一五八弱	一九八弱
五年	二八〇四	三四七三	一七五	一四五弱	三四六弱
六年	二四八八。	三〇三三。	二六	一六〇弱	四二一強
七年	二三五四	七三二五	五五	一五〇強	一二三弱
八年上半年					
八年度	七三六三	四四四。	六五	八二弱	七三強
九年度	一〇八五五	九〇三七。	一八七	一二五弱	元三弱
十年度	二七六四三	三四九九	三。	一三三強	五三強
十年度	八八八七	六五〇六。	七三	一〇。	一〇。
計	三九三三	九四八六	一四。		

茶

日本植茶蓋始於嵯峨帝時

或云聖武時既知飲茶但事不可考惟考日本凌雲集載皇太弟秋

日御製詩云院裏滿茶烟桓武帝御製詩云吟詩不厭搗香茗

又經國集載嵯峨帝與海公飲茶歸山御製詩有香茶罷酌日

云暮句可徵當時風尚史稱嵯峨宏仁六年幸近江園之韓崎

有崇福寺僧都永忠自煎茶獻帝及皇太弟永忠曾於寶龜中

入唐留學得製茶及栽培法延應中歸朝自試其法并傳於人

及是帝遂命畿內及近江丹波播磨諸國植茶蓋始於延應盛

於宏仁也其後中絕及後鳥羽院文治中僧千光游宋齊江南茶種

歸分栽於背振柵尾諸山茶事復盛

千光種之筑前背振山建保二年將軍源實朝有疾

千光知其宿醒獻茶及喫茶養生記二卷將軍飲之頓愈又饋

茶實一壺於釋明惠明惠種之柵尾山故柵尾山又名茶山其

後分種之宇治近代柵尾應安以來以足利義政嗜茶舉世咸

種殆絕而宇治實稱茶海

尙之後義政命僧珠光

僧休心通曉茶事義政聘之命其臣能阿彌相阿彌等學習休心自結茶室號

珠光庵其子宗珠其徒引拙真能號春鷗齋真藝子真相即

古市等傳習其道鳴於南都

阿彌號藻鑒茶具潤飾茶儀及豐臣氏使千宗易修飾之千宗

泉人稱千阿彌仕豐臣氏號利休居士於是王公以下逮於庶人咸尙茶術至德

川氏每春遣使於宇治齋獲收茶而宇治之名益著日本初傳

古法特尙煎茶惟良春道和出雲大守茶歌有云空林下清流浪花起聲縣碗商家盤吳鹽和味味更美煎罷餘香處處薰飲

之無事臥白雲是當時所尙在煎茶薛能詩云鹽損添常戒薑

宜著更誇觀此知煎茶廢而點茶興點茶之法始於陸羽宋人

用鹽是古法也茶錄知日本點茶卽同其法凡運筴擊拂謂之立茶立茶謂粥

面聚也茶多湯少運筴旋撇再添湯擊拂者謂之濃茶茶少湯

多者謂之薄茶蓋碾茶爲末注之以湯以筴擊拂以觀其色澤

法以抄茶一錢匕先注湯調令極勻又添注入迴環擊拂湯上

蓋可四分而止跡其面色鮮白著盞無水痕者爲絕佳行之數

其後茶儀盛行又專以關茶器結茶室務爲奢靡矣

百年若製茶之法則近來較精將新採之葉用泥爐鐵鑊煮熱

用竹簞攤開以扇扇退熱氣然後用鐵搗糊紙於泥甕上烘焙

隨焙隨燃到葉捲身乾再用篩分出粗細揀去茶梗翻覆焙乾

乃用箱裝運凡穀雨前後所採者爲頭春葉肥嫩而味濃厚夏

至前後所採爲次春葉老而味薄至大暑前後所採爲尾春每

年出產頭春居其六次春

有曰宇治製有山本嘉兵衛者西京

居其三尾春居其一云

人嚮茶於江戶至四世

嘉兵衛時元文三年山城永谷宗七郎自製一種美色茶販之

山本氏山本氏賞其奇雅與之結約令再製當時諸侯伯賞之

有天上地下第一之名由是山有曰玉露製天保年間山本氏

本氏之名大噪名曰宇治製綴喜之間共有十八所茶園至六世嘉兵衛號德翁由宇治至

小倉村宿於木下吉左衛門家戲於焙茶時以手攪和茶葉如

團珠木下氏思之德翁轉奇其狀購以重價更令多作齋歸江

戶名曰玉露人爭購之當時一斤值銀四十五錢爾來漸次翔

貴值至七十五錢尤擅香名其製造較粗者曰番茶多粗品製工尤草

而己下總常陸碎屑者曰粉茶近年以來學製紅茶勸業寮創

之閒多有之編紅茶製法一書頒布諸府縣民間始有學製者八年駐劄上

海領事官特聘我國人二名於肥後之山鹿豐後之木浦等處

學製而未能得法又遣委員多田元吉往湖北江西安徽等處

學習栽培製造諸法並購覓良種齋歸其後日本三井銀行與

一西商又延請華人四十餘名於近江大津郡又學作磚茶明

製造初頗如法後以製造過多不能得利云

治九年多田元吉游歷中國湖北咸甯及漢口等處齋同磚茶

遂於勸業寮中以綠茶粉末擬造用器械壓榨而未能堅實十

年元吉又入江南福建模擬其器齋歸十一年全權公使榎本

武揚由俄國東部陸路歸朝聞俄人素嗜磚茶購數種携歸至

十一年元吉與上林熊次郎又如法製造贈之美又有學作印

商茶商田川某亦傳其法俄人遂與定約購買云

度茶者

印度種茶起於泰西一千八百三十四年至今五十餘年矣先是侯爵某上書政府首倡其議英國從其言遂

選英人及印度人十三名爲委員阿朔昔州舊有茶樹當印度未入英國版圖時於千八百二十四年緬甸之役礮船長官巡察其地并携茶種歸告政府及是所遣委員遂於阿朔昔州先建數所茶苗園并開小製場至三十七年暫通製造焙煉諸法又遣員往中國福建廈門購種之漸及東北諸州其後政府決議以移植中國種爲便又往安徽杭州寧波福建武夷山購覓良種植於西北諸州爾後考論工拙爭以金牌爲賭物植物家又考究樹質佳否土宜如何一一論究中國焙煉之法政府并譯其書布告於眾凡種茶之地雖在絕域深山政府皆開通道路以便運輸人民亦爭自奮發益求良法佐以機器至千八百六十九年印度茶之名競噪於世今核印度近年輸出之茶每歲已逾三千一百萬磅賣價一千三百萬圓出產不過中國八分之一然茶價之高幾倍於中國矣日本自明治七年遣富田冬三往桑港經東印度聞其茶美至明治九年遂遣多田元吉爲製法視察委員石川正龍爲器械視察委員梅浦精一爲商務委員均往印度研究其法及歸遂以高知縣下取自生茶製以印度之法果投西人嗜好乃將其製法徧告各府縣并設傳習場受業者凡五百餘名云

日本產茶徧於

全國以宇治爲最良開港之先惟中國商人於長崎購九州茶

回國再製以充西商之用又有和蘭商人齎茶樹五百本移植

於爪哇然西人未有購茶者及安政六年橫濱開港米國商人

始稍稍購茶此時茶一百斤不過六七圓

僅以當時十二三方之一分銀購取一分

銀值英國

後增至十六七圓其後輸額遞加栽植益盛至明治

二三年適因中國紅茶有偽造者為美人所厭忌而日本綠茶

乘機得以銷售至明治十一年輸出至二千八百餘萬斤之多

售於美國者十之九於英國者十之一然以製造稍濫得利轉

微政府頻年設法維護於明治十二年開共進會凡出品者八

百四十六家一千一百七十二品特撰委員審查其形狀

以黑漆盤

盛茶葉置於案外映日光以鑒

色澤

於玻璃窗外施有色屏障透入日光仍以黑漆盤盛

茶葉以辨其潤澤枯燥

火度

以茶葉盛盤嗅其香氣以別火度之強弱燻焦能否適當

水色

純青碧黃駁襍等事

茶葉重八分置之茶鉢注以熱湯經五分時間傾

茶滓

其液汁注於純白茶碗中

以審定清濁黃碧如何

茶滓

碗注以清水細審其形

香如前法滲出茶液咀含

味

況性質有無混淆他物

於口以辨其薰藉強弱

辨其味之

甜滑苦收即茶葉之香味色澤以審價格節是年茶價性質

以每縣每區分別品原價據各家出品人申告書考其工分別

八等以定優劣其尤者給以賞牌民人奮勵爭進其豪農富商

自種茶園有闢地五十餘町之廣額二萬餘斤之多者比之

從前大有進境云明治十二年既製茶共進會勸農局長復

茶雖逐漸拓充然其利實不足恃有可慮者六地之廣大物之

豐饒中國印度非我所及一也此二國者輸出之多價額之高

又非我所及二也紅茶氣餒壓倒全歐尙之者十八假令美國

轉移嗜好趨重紅茶則我之綠茶將棄之如土其如敵疑三也

加非一物美人以供飲料實居首位仍慮茶爲所奪四也印度

政府於產茶一業殫精竭慮以期進境未知其底止即論今

日印度茶價既挺然特立高出諸國之上則其效已可睹矣五

也中國之從事茶業者雖比之印度當讓避三舍其政府亦未

嘗加意保護然商人能協力同心互相聯絡以趨赴事機近來

益矯宿弊改圖精良以廣開英美俄澳各國販賣之路六也今

之產茶祇中國印度日本三國然茶之爲物雖產於溫帶實宜

於熱帶假令他日產茶益廣又有第二印度世界現出亦未可

知是亦不可不思也方今商務萬國競爭有如山火敵如此要

事豈得以日本產茶爲天之所授國之特產而安坐逸居以圖

之乎期所以保此天授享此特產者在吾民手段何謂手段官
民協同一心以資驗徵實效自培養製造以至貿易苟有利益
則急起以圖精進不已務使貨美價廉無復餘術則庶幾其可
也日本自通商以來當路諸人專以殖物產興國益為務觀此
可知其概故
附錄於此

茶歷年輸出價量表

	製茶		番茶		粉茶	
	量	價	量	價	量	價
元年	七萬九千三百五十五	四四九七	五萬三千四百三十三	七九〇	三萬三千三百九十八	三三四
二年	六萬四千三百六十六	三四三三	六萬六千四百一十四	七五五	五萬九千四百三十八	二七三
三年	六萬三千四百三十三	四九七三	六萬六千四百一十四	六六六	六萬九千四百三十八	二五九
四年	三萬六千四百三十四	三六三三	六萬六千四百一十四	三九九	三萬九千四百三十八	二六五
五年	三萬六千四百三十三	三三八三	六萬六千四百一十四	六二二	四萬五千四百三十八	九五〇
六年	三萬六千四百三十三	三七七四	六萬六千四百一十四	一四二	四萬五千四百三十八	八八三
七年	三萬六千四百三十三	四二七七	六萬六千四百一十四	五三三	三萬三千四百三十八	二六五
八年上半年	六萬六千四百三十三	三七七	六萬六千四百一十四	五〇	三萬三千四百三十八	三三三
八年度	三萬三千四百三十三	三三三	六萬六千四百一十四	八三三	六萬六千四百三十八	三三六

九年度	五萬八千八百	八千強	九萬弱	六千強	三萬弱	二千強	二萬弱
八年度	三萬三千六百	四萬強	八千強	八千強	三萬弱	二千弱	二萬弱
七年度	三萬七千	三萬三千	一〇〇	九千強	九萬弱	〇弱	一萬強
本年度	三萬七千	三萬三千	一〇〇	九千強	九萬弱	〇弱	一萬強
計	六萬五千五百	三萬	價	量	價	量	價

棉

日本有棉未詳所始古謂之筑紫棉萬葉集沙彌滿誓有詠棉和歌稱為筑紫棉神

護景雲三年始勅太宰府歲貢棉迄延歷十九年有崑崙人齊

種來始傳其種類聚國史曰延歷十三年七月有蠻船漂流至中世久絕至永祿

之崑崙人也其資物有棉種十九年頒紀伊淡路讚岐伊豫土佐及太宰府諸州播種中世久絕至永祿

天正之間又來自西域或云天文十一年葡萄牙商船至豐後也爾後播種殆及全國始製棉花以明和中周防國人村本五

然未知產額至明治七年始調查內地產額計自明治八年至

十一年内外供給共二億四千七百六十四萬四百三十一斤

其中輸入之數凡一億三千二百零三萬七千九百十九斤價
值四千四百餘萬圓自英國輸入者十之七自中國輸入者十
之二各國輸入者不及十之一云

明治七年棉產額表

山城	二〇五二九五	武藏	七二四六九
大河	一〇二六八九〇	安房	二五二六四
河內	三〇〇九一〇五	總	一五〇六五一
和泉	五六七四六一	總	三九七四四〇
攝津	三五五〇九四二	陸	二四七〇〇九
伊賀	七七九三八	江	一四七二四一
伊勢	五七〇〇九八	濃	三八八八五
志摩	一八四七	驛	
尾張	一六九一八七五	濃	三五九二五八
三河	二六六二九九上	野	二八七七二五

遠駿甲伊相陸羽羽若越加能越越佐

江河斐豆模奧前後狹前賀登中後渡

六五〇六二下
七〇九二磐
五七四三六岩
一八九七三陸
一六四七五六陸
一〇三八五五石
五八二四播
一三四八五〇美
八四五三三備
八二二五備
一二〇三〇備
三六五九六安
周

野城代前中雲見岐磨作前中後藝防

七七八一三
一九九三八
一八七六四六
四三
五一五三九二
三三〇八〇
一六九二〇六九
二九二七二五
七六四一六五
一三二五六五四
八六四三四八
一三〇五二七
三九二八六九

初享保年間德川氏命薩摩國徵蔗苗於琉球始令栽種關東	糖	肥	豐	豐	筑	筑	土	伊	伯	因	但	丹	丹
		前	後	前	後	前	佐	豫	耆	幡	馬	後	波
		一〇六	六九七九七日	五五九一九大	五三三七薩	三〇三三三對	一〇二二二壹	三七五四五七肥	八七一三四六讚	三三八六六阿	三七二四淡	二二四〇紀	三三四五三八長
		計											
			向	隅	摩	馬	岐	後	岐	波	路	伊	門
		二九九七五七七二	三六八〇七	二二三七〇	一八四六五	四四	四〇〇	二二六八七	一〇七九七一四	一五六七五	三四五〇一	五〇三二九五	五七八九

東海西海南海諸國然未諳製糖之法

先是慶長中有大隅國大島人直川智漂入漢土携蔗苗歸始學製糖亦未得法至寶曆中有讚岐人研

究其術製糖較精寬政中讚岐人向山周慶所製尤佳 諸國

遂爭相倣倣然安政通商以來輸入之額逐年加增自明治元

年至十一年輸入共五億六千五百餘萬斤值價二千餘萬圓

自中國輸入者十之九他國輸入者十之一故近年政府商議

改約亟欲重課糖稅為保護國產計焉

據明治十三年沙糖共進會報告日本全國每年費糖須九千萬斤以全國戶口計每人每歲須用二斤六分而內國所產僅足供半額云

明治十年沙糖產額數量表

大和	河內	和泉	駿河	相模
一三四三尾	七〇九二七三	七二七八九遠	八〇三三六讚	二八〇二五伊
張	河	江	岐	豫
二五三六	一九九七九	六六四一四	二八四四二六	一四七〇八九七

砂糖輸入價量表

年別	赤砂糖	白沙糖	棒沙糖	冰沙糖	菓子并砂糖總合	計
元年	五、二六三	五、八五三	五、三四四			一、三、七、三、六、四
二年	三、五、三、三、六	六、〇、五、三	八、六、八、八			三、三、八、三、九
三年	五、七、七、九	八、五、四、四	六、三、四、四			六、三、三、八、七
近江	二、七、三、三	土		佐	一、七、五、二、四、七	
若狹	二、〇、〇	筑		前	一、〇、五、四、八、五	
播磨	二、五、六、七、二	筑		後	一、七、〇、五、五、〇	
美作	一、四、四、四	豐		後	二、二、二、二、七、〇	
備前	五、七、五、三、三	肥		前	三、三、八、〇、五、〇、三	
備中	二、五、九、二	肥		後	五、二、一、六、二、八	
安藝	七、八、五、〇、一、三	薩		摩	四、〇、〇、〇	
周防	四、八、三、八	大		隅	一、二、七、三、三、九、〇	
紀伊	一、〇、五、八、三、六	日		向	二、二、二、二、七、五	
阿波	八、二、〇、七、五、八	計			四、八、二、四、八、一、九、〇	

日本型企業主

沙糖類平均百斤價表					價	
年	類	別	赤	沙	年	度
元年			三〇	四四	六年	一九九五
二年			四四	七五二	七年	一八八四
三年			四四	七九六	八年	一五〇三七
四年			四九	七七三	八年	二四〇四六
五年			三三	六三	九年	二五九六六
計					十年	二六二四六
					十一年	二六二四二
					十二年	二六二四二
					十三年	二六二四二
					十四年	二六二四二
					十五年	二六二四二
					十六年	二六二四二
					十七年	二六二四二
					十八年	二六二四二
					十九年	二六二四二
					二十年	二六二四二
					二十一年	二六二四二
					二十二年	二六二四二
					二十三年	二六二四二
					二十四年	二六二四二
					二十五年	二六二四二
					二十六年	二六二四二
					二十七年	二六二四二
					二十八年	二六二四二
					二十九年	二六二四二
					三十年	二六二四二
					三十一年	二六二四二
					三十二年	二六二四二
					三十三年	二六二四二
					三十四年	二六二四二
					三十五年	二六二四二
					三十六年	二六二四二
					三十七年	二六二四二
					三十八年	二六二四二
					三十九年	二六二四二
					四十年	二六二四二
					四十一年	二六二四二
					四十二年	二六二四二
					四十三年	二六二四二
					四十四年	二六二四二
					四十五年	二六二四二
					四十六年	二六二四二
					四十七年	二六二四二
					四十八年	二六二四二
					四十九年	二六二四二
					五十年	二六二四二
					五十一年	二六二四二
					五十二年	二六二四二
					五十三年	二六二四二
					五十四年	二六二四二
					五十五年	二六二四二
					五十六年	二六二四二
					五十七年	二六二四二
					五十八年	二六二四二
					五十九年	二六二四二
					六十年	二六二四二
					六十一年	二六二四二
					六十二年	二六二四二
					六十三年	二六二四二
					六十四年	二六二四二
					六十五年	二六二四二
					六十六年	二六二四二
					六十七年	二六二四二
					六十八年	二六二四二
					六十九年	二六二四二
					七十年	二六二四二
					七十一年	二六二四二
					七十二年	二六二四二
					七十三年	二六二四二
					七十四年	二六二四二
					七十五年	二六二四二
					七十六年	二六二四二
					七十七年	二六二四二
					七十八年	二六二四二
					七十九年	二六二四二
					八十年	二六二四二
					八十一年	二六二四二
					八十二年	二六二四二
					八十三年	二六二四二
					八十四年	二六二四二
					八十五年	二六二四二
					八十六年	二六二四二
					八十七年	二六二四二
					八十八年	二六二四二
					八十九年	二六二四二
					九十年	二六二四二
					九十一年	二六二四二
					九十二年	二六二四二
					九十三年	二六二四二
					九十四年	二六二四二
					九十五年	二六二四二
					九十六年	二六二四二
					九十七年	二六二四二
					九十八年	二六二四二
					九十九年	二六二四二
					一百年	二六二四二

六年	四九	三六八	二五七	
七年	四〇二	七五七	九七九	
八年上半季				
八年度	三七	七〇		
九年度	四三	七三		
十年度	五五	八三		
十年度	四九	八三	一一〇五	二五四
米穀類				

日本全國皆食稻米其土宜稻故古名為瑞穗國豐年每有輸
出然遇歉歲亦不足自給每每仰食於外國米穀之類有粳米
有糯米有大麥有小麥有稞麥有蕎麥有粟有豆有甘薯有馬
鈴薯有玉蜀黍皆農民所資以為食者

余在東京時使英大臣
郭嵩燾函詢日本旱稻
云近年印度苦旱移植頗宜曾向故內務卿大久保利通索取
今譯其說曰旱稻有梗三種有糯五種性宜腴沃瘠土墾田則

宜培糞之分苗插秧深耕易耨法與他種同擇地以英吉利人
 華氏所製寒暑針二十度以上為宜播種於穀雨立夏前其收
 穫也早在九月遲在十月若六七十度熱地則春種夏收歲可
 兩熟其地多雨雖暑及百度可無傷否則擇卑濕處久旱亦不
 至枯槁凡三百步地歲穫一石四五斗大熟可得六七斗稷宜
 作飯糯宜造餅云余客日本知其瀕海多雨其土又宜種植故
 因山為田梯級雲上亦不憂旱荒今謂種於旱地宜擇
 濕土則大旱仍慮無濟若五嶺以南或者遷地能良也

米輸出入表

輸 出		商		米		船用米		合 計	
量		價		平均厚價		量		價	
元年									
二年									
三年									
四年									
五年									
六年	二六三三	五三三	三四	一七五三	五五八	二六三三	五五九	二六三三	五五九
七年	二六三三	三三三	二六	一七五三	六四四	二六三三	三三三	二六三三	三三三

八年度	九年度	十年度	十年度	計	總輸出不足額
九三五八	一四六三	四一〇〇	三八五〇	七六九〇四	三七八四〇
二〇八八	三四四	一三一	八七四	二〇八〇四三七	二九四九三四
二二六	二三五	三三〇	二三五		

考日本向例禁米輸出近年以擴充商務為急因亦解禁雖然
 米之豐歉為人民性命所關有未可與尋常商物一律視者日
 本人民凡三千四百萬口假一日一口須米四合一歲所需之
 米凡四千九百六十四萬石此斤數凡一百零一億七千六百
 二十萬斤若一歲不登缺十分之一即缺十億零七百六十二
 萬斤自明治六年以後輸出之米頗占巨額共三億餘萬斤然
 較之前算不足額不過三分之一耳明治二三年間歲偶歉收
 村澤細民多有以草根樹皮果腹者然仰給外米猶七億餘萬
 斤此七億餘萬斤較之前算不足額亦十分之七而已人第見
 豐歲盈餘糾集外出得此巨金遂謂米可輸出他日歲凶亦購
 外米固無患也不知頻年輸出之巨額猶不足當一歲凶歉之
 所需則不便輸出其明證矣又況輸入之米其價貴其品劣其
 出入運費利皆歸於外商之手則何如儲蓄以待不時之需乎
 近來講求商務專以增益輸出為要務惟米之一物自古以來

辦禁輸出要加有故未
若昨果作而今果是也

海產類

海產所出從前多在西海自開拓北島則壹意經營以期拓充
多出於北海道矣內國所用不及十一歐美諸國不以海物供
肴饌亦鮮購之者所銷售者中國而已聞北海道海產取之無
禁用之不竭近以人工培育益生生不窮其輸入中國亦逐歲
加增遂爲國產一大宗所輸出多乾脯之類近學西法以熟肉
盛錫罐中竟能千里齊行不至餒敗云其法用薄鐵罐取魚肉
鹽水一匙注入即將罐封固納以蒸器以英人華氏所製驗溫
度驗之熱至百二十度以上經歷一時許取出以錐刺蓋之中
心使穿一孔以洩熱氣仍閉其孔再納蒸器中又歷一時間取
出浸之冷水中俟鐵罐膨脹之處一一收縮乃拭以布巾置之
冷室或大氣流通之
室則永久可以不敗

海產輸出斤數表上

年 類	板昆布	刻昆布	鰯	乾	鮑	海	菜	煎海	鰺	鰻	鰩
元年	九三八三	二四三三	四三三三	二二四〇	二五五七	一五三三	四三六四	四三六四	一四九三	一四九三	一四九三
二年	二四七八	二二六元	五九九五	三三三三	二二七三	二四四四	五九九五	五九九五	二三八四	二三八四	二三八四
三年	二七六三	二九〇三	三三三四	三六六六	二七三七	二九九四	五九九五	五九九五	二三八四	二三八四	二三八四
四年	三三三四	二七六八	五九九五	四三三三	二六六六	二九九四	五九九五	五九九五	二三八四	二三八四	二三八四
五年	三三三四	三三三三	五九九五	五九九五	三三三三	三三三三	三三三三	三三三三	三三三三	三三三三	三三三三
六年	三三三四	四三三三	五九九五	五九九五	三三三三	三三三三	三三三三	三三三三	三三三三	三三三三	三三三三
七年	三三三四	四三三三	五九九五	五九九五	三三三三	三三三三	三三三三	三三三三	三三三三	三三三三	三三三三
八年	三三三四	四三三三	五九九五	五九九五	三三三三	三三三三	三三三三	三三三三	三三三三	三三三三	三三三三
九年度	三三三四	四三三三	五九九五	五九九五	三三三三	三三三三	三三三三	三三三三	三三三三	三三三三	三三三三
十年度	三三三四	四三三三	五九九五	五九九五	三三三三	三三三三	三三三三	三三三三	三三三三	三三三三	三三三三
十年度	三三三四	四三三三	五九九五	五九九五	三三三三	三三三三	三三三三	三三三三	三三三三	三三三三	三三三三
計	三三三四	四三三三	五九九五	五九九五	三三三三	三三三三	三三三三	三三三三	三三三三	三三三三	三三三三

海產輸出斤數表下

年別	乾魚	乾海老	乾貝	柱淡	茶乾	蛤干	品合計
元年	一六八五	四三〇					
二年	一六八五	九四八					
三年	一七〇五	三三〇			四六四七		
四年	一七〇〇	四九五			三〇四五		
五年	一三五六	四九三			六〇五二		
六年	九八二	五七〇			二二〇五		
七年	三〇六	四七三					
八年上季	三〇四五	四七四	七三〇	三七八	二〇四		
八年度	七六八二	七四五	二四八三	九三八〇	三〇六		
九年度	三三三六	七三〇	五二三	六九六	七四三三	八三〇	
十年度	五〇八〇	一五七五	八八三七	二四九三	二七三四	五〇五三	
十年度	六五八三	三三〇八	五九五六	三三〇五	二三五四	二二六二	
計	三〇七九〇	八五五三	二四九三				

海產輸出價格表上

年別	板昆布	刻昆布	錫	乾鮑	海菜	煎海龍	鱧	鰭
元年	二三四四	五八五三	三六五三	六四三四	六六六九	五四一	二五八二	
二年	四四四六	三三三三	三三三三	三三三三	六六六三	二四五一	二七〇八	
三年	四三三〇	九二〇七	九五〇二	二〇三九	九八〇二	三三三三	二四三三	
四年	四三九八	八八四八	二四四四	二五五五	〇八六七	九六六四	二七七八	
五年	元六四三	二七六三	二七八九	九三四三	六六六六	一四〇九	二〇二二	
六年	三九四四	三九七〇	二八〇九	一四〇三	〇三九〇	三三三五	二〇六八	
七年	三九六〇	三六五四	三八七三	九八五〇	三四四三	一八五六	二九六二	
八年上季	七八三六	三四二二	六四四八	三三三九	六三三〇	五七三九	一五二六	
八年度	三三三三	六三三三	二九三三	〇三三三	三三三三	一五九九	三六六六	
九年度	三三三三	七五五九	三三三三	八七五五	九八九二	八三三三	三三六一	
十年度	三三三三	八八八八	四七七五	二〇九九	二八〇七	四〇〇〇	三三三三	
十年度	四四四六	二五五五	三三三三	二七四八	二九九四	八三三三	四四四四	
計	四四四六	〇〇八八	三三三三	二七四四	二八三三	二八〇八	三九九五	

海產輸出價格表下

年別	乾魚	乾海老	乾貝	貝	柱	淡	菜	乾	蛤	干品合計
元年	五五四	九六三	九六〇							五五四
二年	三三五	五三八	五三五			五九七				五八六
三年	五五三	六五七	四六三			四八七				一七六七
四年	九六六	八四四	五八〇							二六三三
五年	四九一	七七〇	九三三			七六六				二四〇四
六年	二四〇	七六一	三三四			二九三				三三五四
七年	一六〇	六六四	三九〇			九八三				二七二六
八年奉季	二九九	六〇	一四〇	六二八	一七		四五五	四九四		四九四
八年度	三七〇	五五八	三三三	六二七	二九四		七五二	二五二	五五	二五二
九年度	五九七	九三三	六五三	九四六	七五四		四六三	四九三		四九三
十年度	四三五	二六四	九七八	六二九	三七四		二五八	二六四		二六四
十年度	四八四	二六五	二五三	四八八	二六九		六〇四	二八四		二八四
計	七〇三	三三三	三三五	四三三	六三二		二四六	四三三		四三三

海産各種平均百斤價表

年	別	板	昆	布	割	昆	布	錫	乾	鮑	海	菜	煎	海	鱈	鱈	乾	魚	乾	海	老	乾	貝	貝	桂	淡	菜	乾	蛤
元年	國	二六	四	九	國	一九六	三	七	國	二五五	二	五	三	五	九	國	三二	二	三	五	國	三六	國	三	五	國	三	五	國
二年	國	三八四	五	七	四	二	三五	三	九	元	八	四	〇	二	三	五	四	九	二	七	三	六							
三年	國	三五	四	二	七	一	七	五	七	元	八	三	〇	四	四	四	三	八	三	三	二	九	三						
四年	國	三五	四	〇	九	一	六	六	三	五	六	三	元	四	三	六	四	二	七	三	三								
五年	國	三二	三	三	三	一	五	七	三	五	三	四	四	七	九	三	三	四	二	四	六								
六年	國	一七	二	元	四	一	七	四	一	五	六	一	三	五	四	九	九	元	四	三	五	六							
七年	國	一三	二	元	九	一	四	八	三	五	四	三	七	三	六	九	八	九	五	三	三								
八年	國	一四	三	二	七	九	二	四	七	三	五	四	三	六	七	三	五	四	三	三	六	九	五	八	二	八	三		
九年	國	二五	二	三	四	五	一	五	〇	八	三	六	八	元	七	六	元	〇	三	四	二	四	五	二	五	七	三		
十年	國	一七	八	三	六	一	四	四	二	七	三	三	八	三	九	五	五	〇	五	二	六	三	二	一	三	三	〇	八	五
十一年	國	二〇	六	三	三	五	一	五	八	七	三	四	九	二	四	三	三	九	四	六	三	七	五	四	六	〇	八	二	五
十二年	國	三九	三	八	一	六	三	四	三	九	二	三	三	七	三	五	五	六	二	九	三	五	四	二	五	八	〇	二	四

石炭自長崎高島諸坑用西法開掘亦爲國產一大宗

石炭輸出表

	量	價	平均厚價	百分	比例
元年	二七、七六、九、七九	八四、二、八、〇	三、〇	八強	一、〇、強
二年	五五、八、五、〇、四、〇	二八、二、五、八、一	三、三	一七弱	三、弱
三年	九四、九、二、六、七、三	三九、八、三、四、三	三、三	六強	三、弱
四年	一〇、七、七、四、八、五、五	三三、四、九、八、一	三、〇	三三弱	三、九弱
五年	九七、八、九、七、三、三	三三、五、九、二、五	三、四	二九強	四、〇、強
六年	二四、八、九、四、八、五、一	六二、八、〇、八、九	二、六	七三強	七、五強
七年	一九、七、五、六、七、九、六、〇	五五、五、三、四、〇	二、八	五九弱	六、七弱
八年上半季	六三、五、四、四、五、三	五四、七、六、二、七	八、七	一九弱	六、六弱
八年度	三三、五、八、三、九、八	九三、一、〇、四	三、〇	九四弱	一、二、弱
九年度	二二、三、九、四、五、八	五九、〇、九、四	二、七	六六強	七、弱
十年度	三四、七、五、〇、六、四、三	九二、一、六、五、一	二、七	一、四弱	一、〇、強
十年度	三三、五、二、六、六、八、五	八三、四、六、〇、四	二、五	一、〇、〇	一、〇、〇
計	二、九、三、〇、七、七、八	六三、三、四、五、九	三、〇		

銅鐵鉛

未通商前惟中國與和蘭在長崎互市其時仁浦購銅之船每歲一至惟德川氏主政時歲限船額限銅數所購亦不多至近年來間一購買而已鐵鉛二物國產不足供用外國多有輸入者

銅鐵鉛輸出價量表

年別	銅	鐵	鉛	鐵礦	礦物合計
元年	五五	六八三	五八		
二年		三六	二六		
三年	八七六六	五五九	四〇	三三	
四年	五三三三	四九四	三三	三〇	
五年	三三〇	五五九	三三	三三	
六年	三三〇	四七六	二六	三三	
七年	九三三	三八五	五五	三三	

九年度	六萬五千	五萬八千	五萬二千	六萬六千	二萬	五萬	五萬九千	四萬七千
八年度	四萬九千	五萬八千	五萬六千	七萬七千	四萬七千	九萬	二萬四千	六萬七千
七年度	四萬九千	五萬八千	五萬六千	七萬七千	四萬七千	九萬	二萬四千	六萬七千
六年度	四萬九千	五萬八千	五萬六千	七萬七千	四萬七千	九萬	二萬四千	六萬七千
五年度	四萬九千	五萬八千	五萬六千	七萬七千	四萬七千	九萬	二萬四千	六萬七千
四年度	四萬九千	五萬八千	五萬六千	七萬七千	四萬七千	九萬	二萬四千	六萬七千
三年度	四萬九千	五萬八千	五萬六千	七萬七千	四萬七千	九萬	二萬四千	六萬七千
二年度	四萬九千	五萬八千	五萬六千	七萬七千	四萬七千	九萬	二萬四千	六萬七千
元年度	四萬九千	五萬八千	五萬六千	七萬七千	四萬七千	九萬	二萬四千	六萬七千
年類別	銅鑛	銅板線	銅價	銅鑄	鑄鉛	鐵	礦物	
銅鐵鉛類平均百斤價表								

九年度	三〇七	九六六	五六二	六三三	三六	二三
十年度	一〇四	八六六	三〇四	二五五	七九	二三
十年度	一〇三	五三三	五〇四	五二		二〇

諸細工物類

所出漆器木器銅器多精雅工緻足供翫賞中西諸國多喜購之然性不堅牢不堪用也西人喜其華美頗以充几案間物故亦為輸出一宗

諸細工物類輸出價格表

年	類別	陶器	扇子	鏤器	屏風	漆器	傘	竹器	銅器	合計
元年		三〇四		三三	六四	七五		四六	五八	四〇四
二年		四三	一五		四二	五九	二〇四	二八	二〇四	九〇
三年		五三		八九	三三	三六	三六	三五	九六	六三
四年		三三	二五	五五	三五	三六	三八	五五	二四六	五五六
五年		三三	一九	五五	六三	八六	七四	二五	一〇五	五九八

六年	二四八	四九七	四四九	三三三	二五五	一五五	一五七	四〇三
七年	二八七	五九七	四八六	三九六	三三〇	三〇五	四〇五	四〇三
八年	五七三	三三〇	八五八	三九九	九〇七	八〇〇	一六	一〇
八年	三三三	三三三	三三三	四六四	三三九	八六六	三三	三九八
九年	七三三	三三五	一五三	五三三	三三三	五〇九	三三	三三六
十年	一五三	三三七	六六三	三二五	四三〇	八四〇	五〇	五三三
十一年	五八八	三六二	二五三	六六四	五〇五	九〇二	五八	五八二
計	九〇六	七三三	一八四	四三三	三三六	九六八	三三三	五九八

全國物產

自明治七年飭令諸國調查物產編製為表故每歲國產可知其概合全國物力計歲出五億餘萬而已凡輸出巨欸既分條臚載其餘各物今據明治八年所編表具列於左俾令覘國勢者知其盛衰焉

輸入之物如絨毯之類每歲耗費金銀不下千萬皆購自歐美諸國為日本國所無者已錄食

實志商務
中今不載

明治八年府縣物產金額增減比較表

府縣名金		額		前年		今年	
東京府	九五〇五九三	四八五	五二五五〇九	九八七	五〇三九九	八六九	
京都府	一〇六七八七〇四	〇六九			二九八七四二	四三五	
大坂府	六六六〇四四	八〇一			一四〇二五七	三九六	
神奈川縣	四一八四六七	五六四			三八二九九	七四三	
兵庫縣	三四九五八二	四三七					
長崎縣	六〇三九二八九	四五二	二五八〇	六七五			
新潟縣	一六九七三七五	六三三	三六九二五	一〇九			
埼玉縣	五九八〇〇	七四九			一八三九九	五五	
足柄縣	三六二五九六	七六			四二一九	五四三	
千葉縣	九三三三八	二九八			五九〇八三	五九五	
茨城縣	八六八三三				一九四三三五	三三九	
熊谷縣	二五七三七六	五五四			四七七八八	七四七	

福島縣	宮城縣	長野縣	筑磨縣	岐阜縣	滋賀縣	山梨縣	静岡縣	濱松縣	愛知縣	度會縣	三重縣	堺縣	奈良縣	橿原縣
四四〇七、二六七	四〇八四、三	五〇三〇、八四	五、六九、〇五	七、九六、四〇	七、四〇、二六九	五、九七、〇一	三、七五、八四三	三、〇四、七七六	一、六六、八一九	二、八〇、三三七	五、九七、四三五	四、三九、九八	五、九一、〇四二	八、三三、〇四
七八三	五九五	八九二	八八八	二、三三	三三八	三三	一九五	八四	七六九	四八八	七〇四	九九九	〇三三	六七七
九八九、〇四	九七三、二六					八四八、〇〇								
九二八	〇六二					二六九								
		七二、〇九九	九五、六五五	五五、二〇一	八三、四四九		三六、九三六	五三、三三三	三五、八〇七	二、一五、二五五	七八、七七六	一〇〇、六四七	一七六、〇九五	一四四、〇四五
		四七	〇三七	四九三	〇一七		八二五	五七七	二四二	六	一四四	九九	四二三	八七三

磐井縣	七五〇八七〇	八三三	三八〇八四三	七五九		
若松縣	二七三七三五	九八三	三三八六二	二八七		
舊磐井縣	二九七二五八	九八			一四七九五	三
岩手縣	二四〇八八	〇三二			三〇八九五	二五
青森縣	二七一〇四	四八			四三二四五	二三
山形縣	二五〇〇三	一二二			一四二五三	〇六
置賜縣	二四九九三	二九三	二〇四九九	二三五		
鶴岡縣	八五〇一二	二四四			二三八五三〇	五六
秋田縣	五〇三七八	二二			三〇〇六九	七八
敦賀縣	六四八七二	九二			九九四〇八	五五
石川縣	五七五〇三七	四五六			六七四二	五五
新川縣	六五二六五	〇七二			七四八三	六五
相川縣	六六五〇二	八九二			四三八六	三五
豐岡縣	四三五三〇	三七			九六八八	八三
鳥取縣	三八〇七五	六二			一八九六	八七

島根縣	三三九八〇八	〇一	六五〇七	一〇六	二七五七四七	五四五
濱田縣	三三四七四	二〇六			二五七七四	八七五
飾磨縣	六九九九五	一〇六			五〇〇三五	七四
北條縣	三六九〇六	九七三			八四九〇三	三〇七
岡山縣	八四五一〇	四四八			一四七九二三	二八七
廣島縣	六六八六三	五五五			六六九五	〇三三
山口縣	一五七七五	三八五			〇九三四	五四五
和歌山縣	三八九二二	〇〇二			三三二七三	〇八二
名東縣	一〇三六九四四	九二四				
香川縣	五四八〇九	六四六				
愛媛縣	六八四八七	三三九			二七二五七	三三二
高知縣	五八〇四三	五五七	三八七五七	五八		
福岡縣	四〇六四五	四五八			一六五八四	三八二
三藩縣	三六〇四三	九〇六			一三〇八八	四三三
舊小倉縣	二六〇九三六	二四六			三二二七六	五九三

明治八年全國物產種類金額總計表

大分縣	四〇四、五八七	五、六二九	四、四五		
佐賀縣	三九、二四六	五、九二		五、三六、三四九	一、五三
熊本縣	八〇、五七四	八、四九	一〇、九六五	五、七九	
宮崎縣	四九、三五〇	一、五四		一〇、四八九	一、八五
鹿兒島縣	二〇、三三〇	六、七二	一、七五、二七四	四、八七	
合計	三、四七、八三五	〇、七七		三、六〇、六五九	一、三八
穀類	一、五八〇、二五三七	五、五粉類		一、七〇、七四四	四
蔬菜類	一〇、四七六、八六	四、三種子類		六、二〇、九三八	二、五三
菓實類	一〇、七二八、九三	三、六三菌類		二〇、〇三〇	七、〇四
海藻類	三、〇五、三八	九、五四藥種類		三、五九、八四二	八、六
製藥類	五、八三〇、二三	〇、八一釀造類		三、六九五、七九〇	二、三四
油蠟類	五、七六七、五	六〇、九鳥類		一〇、八八〇、〇八	一、七六
獸類	五、五九四、〇八一	六、六蟲類		二、七二七	〇、三五
魚類	六、四三、五〇	六、九甲貝類		三、九七、七三五	九、九五

明治八年全國物產種類金額總計表

飲食類	一六四三三八九七	四〇六	金銀銅鐵類	一八五七二九	八三
玉器類	一〇八三〇	神器佛具類	一〇三三九	〇六	
農具類	九七七九一六	八二八	工具類	二三三三七	一五五
器械類	一四九三六六	七八九	金屬製造類	三二一〇三四	七五
舟車類	五七五〇四九	三八二	蠶絲類	一〇二二四八	七五
綿類	六〇二六二〇	一六八	麻類	九三七八一七	七五
製絲類	二二四九七四	四二	織物類	一四二九六六	五九
縫物類	一七三九〇九	四八	染物類	二六六六〇	〇五
傢具類	二二〇〇四五	八二	染具類	二八七四六	四二
繪具類	四八五三四	〇四	膠漆類	一三六九四六	一三六
文房具類	五四二七四八	五三	圖書類	七〇五二七	三六六
漆器類	九五四八一	二〇六	陶器類	一七〇三四五八	二二三
氈席類	七〇四〇五	二三	建具類	五三八六〇	〇九六
指物類	六六九七四〇	〇五	挽物類	六〇九八九	五七八
雜貨類	三六二七三	〇九	蒿草類	二七三〇四四	一四一

桶櫃類	八六〇七〇	八六六	曲物類	二六四二四	二〇九
竹木類	三六六二六六	〇〇八	植物類	一四五〇四三	九三二
皮葉類	六四七〇九八六	四一	紙類	四四〇一五五	九四二
皮革羽毛類	三三三三七六	四九七	履物類	三〇五七五三	六三二
綢緞類	三三二九七	二四二	薪炭類	一二八六五〇	八八
玻璃類	六六四〇	九六九	肥增飼料類	四六八六九二	四九二
玩物類	一八二八二	〇二四	雜類	二五二二四二	四九四
總計	三四七八二八五〇七七				

日本國志卷三十八